

六
典
通
考

六典通考卷七

湖西關鎮珩輯

設官考

都鄙之官

古者天子度土中而宅都制地方千里唐虞以上謂之服夏謂之縣殷謂之畿至周或曰畿或曰甸所謂規方千里以爲甸服是也唐虞之世外置八伯以長八州畿內不置伯鄉遂之吏主之禹會諸侯于塗山執玉帛者九萬國而四百國在其畿內及夏衰或滅或遷其存者九十三國而已殷湯代夏因而不革爲大國方百里者九三公之田三爲有致仕者副之爲六其餘三待封王之

子弟爲次國方七十里者二十一卿之田六亦爲有致仕者副之爲十二又三爲三孤之田其餘六亦待封王之子弟爲小國方五十里者六十有三大夫之田二十有七亦爲有致仕者副之爲五十四其餘九亦以待封王之子弟三孤之田不副以其佐公論道雖有致仕猶可卽而謀焉詩殷頌曰邦畿千里惟民所止說者謂殷都河內三面阻險立政之書稱三亳阪尹皆殷時王宮也周制畿內大國百里次國五十里小國二十五里距王都二百里謂之甸郊里公邑連接其間其外三百里曰稍大夫以爲采邑四百里曰縣卿以爲采邑五百里曰疆公以爲采邑其餘閒田在公邑者悉以待未封之

子弟雖與殷制間有異同然要以拱衛神州襟帶肘腋
强本幹弱枝葉之道也及平王東遷洛邑棄其國都虛
而不居舉豐鎬之遺壤盡爲秦人所有而先世公卿大
夫所食之田邑或以與晉或以與鄭由是幅員日削輔
車無依而守府之空名僅存矣漢興外接于胡越內距
山以東皆諸侯地而天子獨有三河東郡及山南北與
隴蜀以西十五郡之地列侯公主又頗食邑其中蓋猶
師周之遺意焉當周盛時鄉遂之兵足以扞禦外侮方
伯之賢有以匡救王室內外相維而天下無或有動搖
之勢後世或偏重在內則强臣從而專制或偏重在外
則叛將起而爲暴至于五代及宋南北內之京師無世

家大族外之方州無牧伯連帥是以夷狄乘其瑕隙長
驅徑入環境以內莫與枝梧由世祿之封不廣而根本
之地先虛也作都鄙之官考

太宰以八則治都鄙一曰祭祀以馭其神二曰法則以馭其
官三曰廢置以馭其吏四曰祿位以馭其士五曰賦貢以馭
其用六曰禮俗以馭其民七曰刑賞以馭其威八曰田役以
馭其眾都鄙之所居曰鄙則亦法也典法則所用異其名也
都鄙公卿大夫之采邑王子弟所食邑周召毛聃畢
原之屬在畿內者祭祀其先君社稷五祀法則其官之制度
廢猶退也退其不能者舉賢而置之祿若今月奉也位爵次
也賦口率出泉也貢功也九職之功所稅也禮俗昏姻喪紀
舊所行也鄭司農云士謂學士疏載師職家邑任稍地則
大夫之采也小都任縣地則六卿之采也大都任疆地則三
公之采也王親子弟與公同處次疏者與六卿同處次疏者
與大夫同處禮運天子有田以處其子孫然則王子母弟食
采邑者未必別有官有官則依公卿大夫食邑不假別言也

魏了翁曰賦者井地所出如禹貢則壤成賦及左史悉率敝賦是也貢兼土地所產康成以漢制解經謂賦口率出泉誤矣唐陸贄猶以民間出泉爲不便況成周乎

論曰王者任地之所出有賦有貢凡以備百官祿養之資賓客祭祀之奉勞力者食人勞心者食於人緣分義之當然而爲之制非強設名而暴取之也愚讀班史本紀有口賦算賦起於漢之中世蓋軍興一時苟且之計而康成氏取以詁禮經謂成周立法實然嘻何其果於誣聖人乎昔者三代聖王之於民自生齒以上歲書其名於版掌之以司民藏之於天府其敬重也至矣以爲吾祖宗社稷之靈依託在茲不可用貴而褻賤柰何反

因之以取利乎章帝東漢之賢主也詔民產子者復勿
算其言曰爲民父母有惻怛之實匍匐之救而貢禹亦
言古民無賦自武帝征伐四夷重賦於民生子三歲則
出口錢故民重困至於生子輒殺其言之悲痛如此百
世而下仁人君子聞之猶爲流涕況於文武爲之君周
公爲之臣而忍親覩此慘切之事豈遽章帝貢禹之勿
若乎傳曰平易近民民必歸之夫賦出於地情之近民
者也賦出於口則不情之甚而民之所大不便也奪民
之生以快其求殺人之子以縱其欲如貢禹所陳是亂
主之所甘心而中智以上或不屑爲矣當康成之時去
章帝貢禹未遠其詔奏著在國史不容都不聞見胡乃

泥於一時之敝法而強以合古昔之盛規耶宋儒王炎有言六官制度不明由康成氏以緯書汨之以臆說亂之若斯之類所謂以臆說亂之也

姚鼐都鄙攷周室之制王所居曰國中分命大夫所居曰鄙鄙自國而外有曰家稍者矣曰邦縣者矣曰邦都者矣而統名之皆都鄙也鄭君云都之所居曰鄙殆非是宜曰鄙之所居曰都詩曰作都于向月令曰母休于都然則都者鄙所居城之謂也見於詩書傳記凡齊魯衛鄭之國率同王朝都鄙之稱蓋周法中原侯服疆以周索國近蠻夷者乃疆以戎索故齊魯衛鄭名同于周而晉秦楚乃不同於周不曰都鄙而曰縣然始者有縣而已尙無郡名吾意

郡之稱蓋始于秦晉以所得戎翟地遠使人守之爲戎翟民君長故名曰郡如所云陰地之命大夫蓋卽郡守之謂也趙簡子之誓曰上大夫受縣下大夫受郡郡遠而縣近縣成聚富庶而郡荒陋故以美惡異等而非郡與縣相統屬也晉語夷吾謂公子繫曰君實有郡縣言晉地屬秦異于秦之近縣則謂之曰郡縣亦非云郡與縣相統屬也及三卿分范中行知氏之縣其縣與己故縣隔絕分人以守略同昔者使人守遠地之體故率以郡名然而郡乃大矣所統有屬縣矣其後秦楚亦皆以得諸侯地名郡惟齊無郡齊用周制故也都鄙者王朝本名故晉秦楚雖爲縣而未嘗不可因周之稱而周必無郡之稱以郡者遠地之稱

也秦之內史漢之三輔終不可名之郡況周之畿內乎周書作維篇乃有縣有四郡之語此非真西周之書周末誣僭之士爲之也

以九賦斂財賄三曰邦甸之賦四曰家削之賦五曰邦縣之

賦六曰邦都之賦

邦甸二百里家削三百里邦縣四百里邦

之外二百里之內民所出泉也家稍者二百里之內地名削其民出泉入主家故主家削以表公邑之名也邦縣者四百里地名縣有小都賦入采地之主其中公邑民出泉入王家也邦都者五百里中有大都采地其賦入凡治以則待都鄙主外爲公邑其中民所出泉入王家也

之治大司徒凡造都鄙制其地域而封溝之以其室數制

之都鄙王子弟公卿大夫采地其界曰都鄙所居也王制曰

天子之縣內方百里之國九七十里之國二十有一五十里之國六十有三此蓋夏時采地之數周未聞矣春秋傳曰遷鄭焉而鄙畱城郭之宅曰室詩曰嗟我婦子曰爲改歲入

此室處數以其室數制之謂制丘甸之屬王制曰凡王氏詳居民量地以制邑度地以居民地邑民居必參相得說曰有功德者以次出封無功德者各以親疏食采畿內武王母弟八人五叔無官而管蔡郕霍毛其采地也商之箕子微子以爵言而比干謂之王子無可食之采地他可知矣試以縣內九十三國明之爲百里者九而三公之田與致仕者處其六所以待王子弟者三而已爲七十里者二十有一而六卿之田與三孤及六卿致仕者處十五所以待王子弟者六而已爲五十里者六十有三而二十七大夫與其致仕者處五十有四所以待王子弟者九而已知此則夏商之內諸侯少而周之內諸侯多矣小司徒乃經土地而井牧其田野九夫爲井四井爲邑四邑爲丘四丘爲甸四甸爲縣四縣

此謂造都鄙也采地制井田異於鄉遂重

載師以公邑之田任甸

地以家邑之田任稍地以小都之田任縣地以大都之田任

詳見田制
都方四十里
家邑如縣
方二十里
小司徒職
註云百里

之國凡四都五十里之國凡四縣二十五里之國凡四甸按二十五里家邑有加田者若四甸之正則方二十里也五十

里小都者若四縣之正則方四十里也百里大都有
加田者若四都之正則方八十里也稍地如甸地之制四甸

然則小同之縣與師之都邑異乎曰戴師謂采地小

司徒謂凡土田封則爲采地未封則爲公邑也何以知稍地如甸地之制而置地制爲都也曰四正爲甸出車一乘而稍

人掌令丘乘之政令稍二十同并郊甸凡三十六同而作雖篇謂郊甸方六百里以甸包稍則稍地亦制爲甸明矣太宰

九賦邦縣卽縣地邦都卽置地則置地制爲都明矣小司徒
由縣而都則都之下爲縣載師由家邑而小都則小都之下
爲家邑縣與縣小都與都其等同制亦同而大都之制

爲家邑家邑與樂小都邑其令同其制可同而力者之命

可推凡任地甸稍縣都皆無過十二

陳傅良曰畿內方百里者百一爲郊內鄉遂在焉天子所自有也唯公邑謂之甸所謂閒田也其餘以爲家邑謂之稍大夫受之以爲小都謂之縣卿受之以爲大都謂之甸公受之皆封君也各衣食其租稅歲時頗有入於王府則近郊十共其一遠郊二十共其三稍甸縣都皆十共二是謂九賦蓋輸公上者厘厘如此古者采地未嘗世守若溫原攢茅之田武王以封蘇忿生襄王以賜晉文公狐氏陽氏復受命於晉更狐陽而後至卻氏卻氏爭其田故單劉二公曰若治其故則王官之邑準此一事則采地無世守明矣

縣師掌邦國都鄙稍甸郊里之地域及郊里郊所居也自邦國

周天凡造都邑量其地辨其物而制其域物謂地所有也名

疏造都謂大都小都邑謂家邑量其地者家邑二十五里大

都百里小都五十里辨其物者三等之地所有不同制其域

者謂疆太史掌則以逆都鄙之治掌固若造都邑則治

其固與其守法都邑亦為城郭匠人王宮門阿之制五雉野涂五

軌門阿之制以為都城之制都四百里外距五百里王子弟

皆三野涂以為都經涂經亦謂城中道都天子有田以處

其子孫諸侯有國以處其子孫大夫有采以處其子孫是謂

制度言今不然也春秋昭元年秦伯之弟鍼都城不過百

雉家富不過百乘雉度名也高一丈長三丈為雉百雉為長

雉者此所謂大逸周書制郊甸方六百里國西土為方千

都三國之一

里

西土岐周通爲圻內

分以百縣縣有四郡郡有四鄙大縣城方王城

三之一小縣立城方王城九之一

三三九分居其一分

都鄙不過百室

以便野事

耕桑之事

農居鄙得以庶士士居國家得以諸公大夫

居治也治鄙以農治國家以大夫

凡工賈胥市臣僕州里俾無交爲

工賈百胥市人

臣僕各冀州里而居不相雜交也胥待也

禮書先王建都鄙大者百里次七十里下五十里而外有

封疆溝樹之固內有城郭市朝社稷宗廟之別使之朝夕

泣事王朝而退食於家不出王城而都鄙乃在三百里至

五百里鄭武公爲周司徒其詩曰適子之館兮還予授子

之粢兮鄭氏謂還在采邑之都然列職於朝常往返數百

里之遠則在途日多在朝日鮮鄭氏之說果然乎

都

五百里
亦曰畿

縣
四百里

甸
三百里

甸
二百里
六遂在內

方土
方土

方土掌
遂土掌
遠郊百里

都家謂四郊六
家邑大遂之微鄉士掌近郊五十里
都小都在四郊國中六
野遂人在國中
治野則
自六遂
而外通
得謂野

六鄉在郊

十二

十二

十二

十二

大都之
田任量

小都之地
田任縣公之采
邑王子

家邑之地
田任新鄉之采弟之親
地王子者

公邑之地
田任甸大夫采弟之疏
地王子者

二十四地
田任甸自此至弟之尤
田牧田公邑公
邑者六
遂及采
邑之餘
地天子
使大夫
治之

王城

三十以國任
國中之宅田
田土田

一曰邦中之賦任近郊
之地

禹貢賦納總

三曰邦甸之賦
納輕服

四曰家削之賦
納稍服

五曰邦縣之賦
納粟

六曰邦都之賦
米

右唐仲友司徒建王國之圖

王畿方千里面五百里王城之內謂之國中廛里任焉六鄉之民所居也其賦曰邦中之賦五十里爲近郊鄉田之外場圃宅田士田賈田任焉百里爲遠郊鄉田之外官田牛田賞牧田任焉其賦曰邦甸之賦其獄則鄉士治之二百里爲甸六遂在焉餘爲公邑其賦曰邦甸之賦遂獄在四郊遂士治之鄉遂皆出軍乘馬之法始於公邑以甸法在焉故曰邦甸公邑之獄縣士治之三百里爲稍家邑任焉大夫與王子弟之尤疏者所食采地也其賦曰家稍之賦稍削皆小稱之言采地之小者也四百里爲縣小都任焉卿與王子弟之疏者所食采邑也其賦曰邦縣之賦五百里爲甸大都任焉公與王子弟之親者所食采地也其

賦曰邦都之賦邦家之獄方士治之三等采地之餘皆爲公也孟子言天子三公受地視侯卿受地視伯大夫受地視子男此家削小都大都之等差也受地不得視司徒邦國之封疆視其百里七十里五十里之田而已都鄙制以室數而出賦以邱采則采地之大者其民不過六萬夫其兵不過百乘較之外諸侯其勢相什自稍至都近者愈小遠者愈大防微杜漸之意深矣禹貢百里納總二百里納秬三百里納秠服四百里粟五百里米率以百里爲差此王畿出賦輕重之法也郊有遠近以別任地之征都有大小以明采地之等曰四郊以見四面相似曰家削以別公邑小都曰縣合縣而成都大都曰疆在國之境也自公邑

至于大都通謂之都鄙兼君子野人所居而言也

乃施則于都鄙而建其長立其兩設其伍陳其殷置其輔長謂

公卿大夫王子弟食采邑者兩謂兩卿不言三卿者不足于諸侯鄭司農云兩謂兩丞周禮折衷五都

亦謂之長如外諸侯但在王畿內不復有帥牧耳書云外薄

四海咸建五長是也都家無卿官朝大夫乃止上惟都宗

人都司馬秩雖均上士而職之與名則兩卿之似者茲其謂

之兩與小都有家宗人而司馬則以其家臣爲之伍其都家

之士及都則之屬殷則下士庶子輔則胥徒也沈彤曰在公

爲大夫殷爲上士在卿則兩爲大夫伍爲上士殷爲下士在

大夫則兩爲上士伍爲下士春秋傳謂周公舉蔡仲爲已卿

士取禽爲王卿士伯與之大夫是公都宗人掌都祭祀之

禮凡都祭祀致福于國都或有山川及因國無主九皇六十

四氏之祀王子弟則立其祖王之廟

其祭祀王皆賜禽焉主其禮者警戒之糾其戒具其來致福則帥而以造祭僕正都禮與其服禁督其違失者服謂衣服及宮室車旗

注立祖王之廟鄭氏鏐以為祖所自出之廟詩正義魯有姜嫄之廟謂之神宮即祀其祖所自出之廟也或謂諸侯不祖天子王子弟安得立祖王之廟或者國遷而舊都存如文王廟在豐之類然亦不常有矣

家宗人掌家祭祀之禮凡祭祀致福大夫采地之所祀與都同若先王之子孫亦有祖掌家禮與其宮室衣服車旗之禁令掌亦正也都司馬掌都

之士庶子及其眾庶車馬兵甲之戒令庶子卿大夫士之子車馬兵甲備軍發卒

以國法掌其政學政謂賦稅也以聽國司馬聽者受行其所徵為也國司馬

大司馬之屬皆是家司馬亦如之大夫家臣為司馬者春秋傳曰叔孫氏之司馬驪戾縣士

掌野鄭司農云寧三百里至四百里大夫所食晉韓須爲公族大夫食縣元謂地距王城二百里以外至三百里曰都

野三百里以外至四百里曰縣四百里以外至五百里曰都

部縣野之地其邑非王子弟公卿大夫之采地則皆公邑也

謂之縣縣士掌其獄焉言掌野者郊外曰野大總言之也獄

居近野之縣獄在二百里上縣之縣獄在三百里上

獄在四百里上各掌其縣之民數糾其戒令而聽其獄訟

都家聽其獄訟之辭辨其死刑之罪而要之三月而上獄訟

於國鄭司農云掌四百里至五百里公所食魯季氏食于都元謂都王子弟及公卿之采地家大夫之采地大都在

屬王三月乃上要者又變朝言國以其自有君異之凡都家

之大事聚眾庶則各掌其方之禁令方士十六人言各掌其方者四人而主一方也

其方以王之事動以時修其縣法若歲終則省之而誅賞焉

眾則爲班禁令焉縣法縣師之職也其職掌國都鄙稍甸郊野之地域而辨其

夫家人民田萊之數及其六畜車輦之稽方士以四時修此

法歲終又省之則凡都家之士所上治則主之士都家土也所

與掌民數亦相近

上治者謂獄訟之小事不附罪者也主之告于司寇聽平之

朝大夫掌都家之國治都

王子弟公卿及大夫之采地也主國治者平理其來文書于朝者

日朝以聽國事故以告其

君長

使知而行之也君謂其國君長其卿大夫也告其君長

國有政

令則令其朝大夫

使以告其凡都家之治于國者必因其朝

大夫然後聽之唯大事弗因

謂以小事文書來者朝大夫先

平理

凡都家之治有不及者則誅其朝大夫

有稽殿

之在軍旅則誅其有司

馬家司馬

都則

關

都士

關

家士

關

三應電曰祭祀名器禮之大經於是有都宗人庶子兵馬

國之大柄於是有都司馬法則者馭官之大權於是有都

則司刑者民命之所關於是有方士治中者攷治之樞要

於是都有都士家士至王朝有令於都家都家有治於王國

不可以無統也。於是有朝大夫六官者，皆列王朝之爵而任都家之事。其治法一聽于王官，非若小事其君，長得以擅爲此政教，所以齊一其廢置，皆由冢宰，非若小吏其君長得以專易此血脈，所以流通也。六官唯大夫則取都家之士而專居王朝，其餘則以王國之士各居其國，使其臣正于宗伯、司馬、司寇者也。

沈彤內諸侯官數考：在公四等，自卿而下在孤卿三等，自大夫而下在大夫二等，自上士而下其數公之卿二人，下大夫五人，上下士各若干人；孤卿之大夫二人，上士五人，下士若干人；大夫之上士二人，下士五人，其縣鄙之士皆上士爲縣，正下士爲鄙。師公七縣三十三鄙，孤卿二縣八

鄆大夫二鄆上下士皆各如縣鄆之數通計在公四十七人在孤卿十七人在大夫九人其王子弟之官在親者如公在次疏者如孤卿在更疏者如大夫公之都八十里受田者萬六千三百八十四家以萬五千家爲六縣中含三十鄆餘千三百八十四家以爲三鄆餘三百八十四家當亦爲一鄆并二鄆當亦爲一縣故七縣三十三鄆卿之都四十里受田者四千有九十六家以二千五百家爲一縣中含五鄆餘千五百九十六家以爲三鄆餘九十六家并三鄆當亦爲一縣故二縣八鄆大夫之邑二十里受田者千有二十四家以千家爲二鄆而奇零附之蓋亦並計其家之中數而定也其以上士爲縣正下士爲鄆師皆如男

國所謂禮窮則同耳公都加爲百里亦有鄉遂乎曰在畿
內爲鄉遂則嫌於有其國且上擬天子大司徒施教法於
邦國都鄙下連令比閭族黨州鄉之法似都鄙亦有鄉何
也曰旣名都鄙安得有鄉特使倣州黨以下之法教民耳
然則大宗伯註云都家之鄉邑非歟曰此鄉邑謂鄉遂公
邑也 郊野設官何以知之曰小司徒見四郊之吏遂大
夫見凡爲邑者縣師見都鄙稍甸郊里之羣吏固歷有明
文郊之官爲縣正鄙師鄭長而爵爲上中下士野之官爲
縣正鄙師而爵爲中下士何也曰遂之法計家以爲縣鄙
而郊野如之則卽其縣鄙以設官亦如遂至爵等則遞降
於遂也郊野亦爲縣鄙何也司常州里建旗縣鄙建旐大

司馬鄉遂載物郊野載旄州里卽鄉遂也於鄉舉大於遂舉細郊野卽縣鄙也大司馬舉其地司常舉其家互相備也且縣鄙對州里言則不在六遂而在郊野明矣郊野對鄉遂言則在鄉遂外而爲縣鄙明矣王畿百同私田當五百一十三萬夫通不易一易再易三等之率而家受二夫當二百五十六萬家則一同當二萬五千六百家郊地四同當十萬二千四百家以七萬五千家爲六鄉餘二萬七千四百家以二萬五千家爲十縣中含鄙五十鄣二百五十餘二千四百家以二千家爲四鄙中含鄣二十餘四百家以爲四鄣四鄣當亦爲一鄙并四鄙當亦爲一縣則爲縣十一鄙五十五鄣二百七十四也野有甸稍縣畺四等

地甸十二同當三十萬七千二百家以七萬五千家爲六
遂餘當二十三萬二千二百家稍二十同當五十一萬二
千家縣二十八同當七十一萬六千八百家置三十六同
當九十二萬一千六百家去六遂家數存二百三十八萬
二千六百家則爲縣九百五十五中含四千七百六十五
鄙也若其家各有增減則縣鄙亦從而增減焉縣鄙者都
家之所居也經於采邑必兼都鄙稱之都家無定數縣鄙
有常數計縣鄙則於官爵多少考稽尤便也郊野官之爵
等遞降於遂何也曰野與郊之差猶鄉遂也鄉遂制同而
鄉內遂外則遂官之爵降鄉官一等郊野制同而郊內野
外則野之官之爵亦降郊一等至郊在遂內爲六鄉餘地

而官之爵反降於遂者乃因郊之家亦以縣鄙名爲六遂
屬別之餘其地等之降固殊常也然則遂人造縣鄙形體
之法何在野而不在郊也曰野對郊爲甸稍縣置獨舉則
或兼郊與鄉遂人治野之溝塗兼郊而復兼鄉經田野而
造縣鄙不兼鄉而已兼郊則名郊之家爲縣鄙何疑郊之
官自里宰而下野之官自鄙長而下曷不并計其數而別
之曰是皆官之無爵者無爵則無祿與遂之鄙長同至序
官無郊野官脫耳否則卽遂官爲例而省也

易訟六三食

德貞厲終吉

許慎五經異義曰爻位三爲公公曰食舊德食父故祿也

困九二困

食朱紱方來

惠棟曰坎爲酒食二爲大夫坤爲采地困于酒食以喻采地薄

不足已用也

詩譜文王受命作邑于豐乃分岐邦周召之地爲

周公旦召公奭之采邑施先公之教于已所職之國豐在岐山東南

三百餘里文王既遷于豐而岐邦地空故分賜二公以為采地也言分采地當是半半不知孰為東西或以為東謂之周

西謂之召事無所出未可以明也周公封魯死諡曰文公召公封燕死諡曰

康公元子世之其次子亦世守采地在王官春秋時周公召

公是也信九年公會宰周公于葵邱文五年召伯來會葬是春秋時周公召公也經傳皆言周公謂為三公不知

何爵也召稱伯則伯爵以左傳多云召公故言公其旦與奭次子名諡書傳無文平王以西都賜秦則春秋時周公召公

別於東都受采存本周召之名也非復岐周之地晉書地道記云河東郡垣縣有召亭周則未聞今為召州是也

王質曰分陝世以為司馬氏之創說不知其來已久以書

禮推之君奭召公為保周公為師相成王為左右樂記武

五成而分周公左召公右康王之誥太保率西方諸侯入

應門左畢公率東方諸侯入應門右當是周公已沒畢公

代任畢命所云今予命爾以周公之事是也周召官也自
二公爲之後世相承不改桓十八年周公黑肩被殺于辛
伯成十二年周公楚出奔於晉文四年襄王使召公過賀
秦穆公司馬氏所謂周公召公行政號曰共和至秦漢爲
左內史左馮翊右內史右扶風蓋其遺制此詩當是此地
所採古彝器有周召宮亦謂之師保宮衛武公繼治西徧
東徧亦見諸師毀敦蓋周召之任也度其時在遷洛之後
此官猶存其宮亦有太室宣榭與宗廟周制可謂重矣

詩序甘棠美召伯也召伯之教明于南國

箋召伯姬姓名奭食采于召作上公

爲二伯後封于燕此美其爲伯之功故言伯云

殷其雷勸以義也召南之大夫遠

行從政

箋召南大夫召伯之屬遠行謂出使邦畿疏行役大夫卽王朝之臣而謂之召南者以其是召伯之屬

也文王未稱王召伯爲諸侯之臣其下不得有大夫此是文王都豐召伯受采之後召伯爲王者之卿士周禮六卿其下皆有大夫各屬其卿左傳曰伯與之大夫瑕禽亦此類也知非六州諸侯之大夫者以序云遠行從政乃出境之辭

召公食采在文王作豐之後及武王伐紂有天下又以
上公作二伯故謂之召伯正義以爲王官之伯是也又
詩小序草蟲大夫妻能以禮自防也羔裘傳大夫羔裘
以居皆指召南之大夫言於召公爲屬官焉鄭箋云鵲
巢之君積行累功在位卿大夫競相勸化鄭所謂卿者
卽太宰都鄙之兩卿與

書立政大都小伯

呂氏曰大都小伯者謂大都之伯小都之伯也大都言都不言伯小伯言伯不言都

互見

梓材王曰封以厥庶民暨厥臣達大家

通達卿大夫及都家之政

于國疏周禮有都家之官傳以大家總包大臣故言卿大夫及都家之政卿大夫之政謂在朝所掌者都家之政謂采

邑所有政事

蔡仲之命蔡仲克庸祇德周公以為卿士叔卒乃

命諸王邦之蔡

周公圻內諸侯二卿治事叔所封圻內之蔡仲所封淮汝之間圻內之蔡名已滅故取其

名以名

周公既沒命君陳分正東郊成周作君陳

成王重周公所

營故命君陳分居正東郊成周之邑里官司作書命之疏成周周之下都監成周者正是一邑率爾而特命君陳大其

事者成王重周公所營猶恐殷民有不服之者故命君陳分居正東郊成周之邑里官司也鄭元云天子之國五十里為

近郊今河南洛陽相去則然是言成周之邑為周之東郊

畢命王朝步自宗周至于豐

以成周之眾命畢公保釐東郊

用成周之眾民命畢公使安理治正成周東郊令得所

詩大雅百辟卿士媚于天子

箋百辟畿內諸侯也卿士卿之有事也

小雅

皇父孔聖作都于向擇三有事亶侯多藏

皇父甚自謂聖擇三有事有司國之

三卿

疏皇父當二卿今立三有事增一卿以比列國也詩左傳杜注河內軹縣西有地向東則向在東都之畿內也詩

序桑柔芮伯刺厲王也

箋芮伯畿內諸侯王卿士也疏芮伯周同姓國在畿內杜預云芮國在

六典通考

卷七

六

馮翊臨晉縣西都之畿內也顧命注芮伯亦爲宗伯畿內有國者亦爲入畢亦在畿內顧命注又云畢公爲司馬是也

鄭風緇衣之宜兮敝子又改爲兮適子之館兮還子授子

之祭兮

緇黑色卿士聽朝之正服也改更也有德君子宜世居卿士之位焉適之館舍祭餐也諸侯入爲天子卿

士受采祿

箋卿士于王宮有館舍于畿內有采祿

逸書昔者質沙三卿朝而無禮

君怒而久拘之譁而勿加諸卿謀變質沙以亡

有三卿諸侯可知也

白虎通大夫功成未封子得封者善善及子孫也諸侯入

爲公卿大夫得食兩家采不日有能然後居其位德加於

人然後食其祿所以尊賢重有德也今以盛德入輔佐兩

食之何王制曰天子之縣內諸侯祿也外諸侯嗣也天子

太子食采者儲君嗣主也當有土以尊之也太子食百里

與諸侯封同故禮曰公士大夫子子也無爵而在大夫上

故百里也公卿大夫皆食采示與民同有無也

隱公元年冬十有二月祭伯來來者來朝也其弗謂朝何也

寰內諸侯非有天子之命不得出會諸侯不正其外交故弗

與朝也天子畿內大夫有采地謂之寰內諸侯聘弓鏃矢不出竟場束修之肉

不行竟中有至尊者不貳之也聘遺所以結二國之好將彼我之意臣當稟命于君無私

朝聘之道莊公十六年周公忌父出奔虢周公忌父王卿士辟子國之難惠王

立而後復之二十三年祭叔來聘疏祭伯者祭國伯爵也

卿大夫欲外交鄰好而來通魯以其無主命故不得言聘不

仕王朝故得責其不稱朝也徐邈云祭叔為祭公使則徐意

以為祭叔為祭之大夫也范以叔閔公二年辛伯諗周桓公

諗告也事在桓十八年云大都耦國亂之本也成公十二年春周公

出奔晉周公者何天子之三公也王者無外此其言出何自

其私土而出也

疏周公本是小國諸侯而入為天子三公於王畿之內雖有采地但從私土而去故從小

國例齊召南曰傳言私土指采地言何氏謂起諸侯入為天子三公因私土二字而誤

襄公十五年

劉夏逆王后于齊劉夏者何天子之大夫也劉者何邑也其

稱劉何以邑氏也

何休曰諸侯入為天子大夫不得氏國稱本爵故以所受采邑氏稱子所謂采者不

得有土地人民采取其租稅爾禮記王制曰天子三公之田視公侯卿視伯大夫視子男元士視附庸稱子者參見義顧

為天子大夫亦可以見諸侯不生名亦可以見爵亦可以見大夫稱傳曰天子大夫是也不稱劉子而名者禮逆王后當

使三公故取去大夫明非禮也

定公四年劉卷卒此不卒而卒者賢之也

實內諸侯也非列土諸侯此何以卒也

天子畿內大夫有采地者謂之實內諸侯

非列土之諸侯雖賢猶不當謂之卒

天王崩為諸侯主也

疏采地比之畿外諸侯故書葬

胡渭曰天子之大夫雖曰縣內諸侯而實無五等之號春

秋所書王臣來接於我者如南季榮叔之類先儒以季叔

爲字無異說矣惟公伯子與五等之號相混祭公州公周公亦皆以爲天子之三公獨子伯之說互異其曰伯者公羊以爲天子之大夫穀梁以爲襄內之諸侯是亦以伯爲五十之字也至杜預注左傳於祭伯凡伯單伯皆曰伯爵而伯於是乎始爲爵矣其曰子者公羊穀梁無說杜於蘇子云周卿士於單子云王官伯於尹子云王卿士是亦與公穀無異而又於尹子王卿士下云子爵成十七年單子注云單伯稱子蓋降稱則復以子爲爵矣學者多宗杜氏遂謂周畿內有伯子之爵至宋趙鵬飛據黎錞之說以伯與叔季皆爲字人以其晚出而疑之余考穀梁范注於凡伯渠伯糾單伯毛伯皆以伯爲字不以爲爵王臣稱子自

文十年蘇子始子者男子之美稱蓋文宣以後尊王卿士之稱非五等之子也天子公卿之大夫元子祿視外諸侯而無五等之封虞及商周末之或改也

杜預周世族譜

祭氏祭公謀父

為周穆王作祈招詩者

祭伯祭公祭

叔

路史祭伯爵商代國後為周畿內穆傳正公祭父城在開封長垣今管城東北十五里有古祭城說文祭周公後

尹氏尹子

尹武

尹圉

尹文公路史尹子朝入尹周地尹氏采杜謂鞏西南偃師今汾州有吉

甫墓記即其邑

左傳正義宣王之世有尹吉甫春秋以來數有尹子見經是其食采于尹世為周卿士

蘇氏

蘇忿生

已姓周武王司寇蘇公是

蘇子溫

左傳隱公十一年王與鄭人蘇忿生之田溫

今溫縣原在沁水縣

西稀

在野王縣一名陽樊野王縣西南有陽城

隔郛

在懷縣

向

縣西南有

盟

今盟州縣

陘

在修武縣北

懷

今懷縣

蘇忿生之田橫茅隤
屬汲郡餘皆屬河內

毛氏毛伯衛毛伯過毛得毛伯得路史毛伯爵原父得毛

傍有毛泉近上邽樊氏仲山甫宣王時樊皮樊仲樊頃子樊齊

樊景王後河陽濟源東南三十八里皮子城是水經淇涇陽

城即樊氏邑毛詩正義周語稱樊仲山甫諫宣王是山甫

為樊國之君也韋昭云食采于樊倍二十五年左傳說晉文

公納定襄王王賜之樊邑則樊在東都畿內也如預之言畿

內無侯爵傳言鄆氏鄆盼鄆羅路史鄆子朝之亂郊鄆皆

樊侯不知何據鄆南鄆之名今鞏西南有地名鄆中成氏成肅公成簡

有鄆谷水故鄆城即大夫鄆盼采

公成桓公羅泌云成十三單氏單伯單伯武公穆公平公

路史單成王子單子國單襄伯甘氏甘成公甘景公甘簡

子也今單之單父非魯之單伯

公甘悼公過簡甘平公輅成甘桓公昭公生成公成公生簡

公及悼公過鄆元云河南城西二十五里

劉氏康公子季

食采定公即劉夏也獻公擊定公之子也伯蚡卷獻公之庶子文公

于劉又曰官師世族譜云伯蚡劉文公桓公文公子路史案定四年正義引

劉狄劉卷劉子為一人桓公杜云西北舊有甄亭緄氏或

云魯地非也襄公十五年盟于甄然古亦無之南宮氏南宮

也世作劉繆故說文惟有甄然古亦無之南宮氏南宮

極南宮極子也路史周武王時有南宮仲見宣和博古

呂后封張輿為侯國鞏氏鞏成公鞏簡公路史鞏伯今河縣鞏縣西周故

居酈氏云有鞏故城洛地圖周氏周桓公周公宰周孔

云在洛之問四面山鞏固也周氏周桓公周公宰周孔

周公閱周公忌父周公楚孔云采邑未聞原氏原莊公原襄公原

伯絞公子跪尋說曰絞弟原伯魯原壽過路史原伯爵今澤之沁

伐原者後趙同為原大夫即此或云忿生邑或云濟源水經

云有二源東源出原城即晉所伐者今孟州濟源西北九里

有古王叔氏王子虎王叔文公王叔桓公王叔陳生左傳正義

原城王叔文公也謹之為文必當有爵不召氏召穆公召伯廖

王叔者畿內之國不得外交諸侯

召昭公召桓公召戴公召武公召襄公召莊公召伯召簡公

召伯宣公六年有召桓公成公八年復有召桓公未

東南有召亭離今鳳翔天興東遷後采于垣則今縣東北六

十里召原也有康莊公廟在王屋西三十五里原在縣西

四十里寰宇記垣之古棠為公分陝之地非也說文邵晉邑

謂郭邵齊師所成皇興元置邵即大統為邵州義甯元為邵

陽郡然易縣故涑水縣城在州北四十二里亦曰邵凡氏

云周封邵公于此蓋歸老之地興國六年併入易

凡伯周公之盾也詩正義凡國伯爵世在王朝蓋畿內之

也路史凡伯爵衛之共城西南二十二里凡故城也杜云

共縣東南有凡城袁山松曰西南郡國志共汎亭詩凡伯國

代凡伯者

周分為東西都其王官食采有世守者有革除者載籍

湮微多不可考惟杜預世譜詳氏族所出羅泌後錄著

采地所在今列杜於前附羅於後俾覽者得以推見周

之遺制其世譜所無而後錄所有者別登如左

密盟會圖云周圻內國宣王滅之此河南密齊桓公仍仍

采密妃國然密康公墓在靈臺故說者以為涇近也

榮伯采榮叔也說為榮錡今河南鞏西之榮錡問子朝之亂

景王崩于榮錡氏大夫食其采邑然榮城伯駕魯出聲伯

後也方非此周書武王命伐方乃商畿內巷巷伯采

巷伯康安國宋衷以為為畿內國暴暴新公采鄭邑也

圻內國文公八年會雒戎盟於暴鄭謂周圻內無暴邑失之

箋云為卿士者皆食圻內故有周召毛原莊祭尹樊鄆成畢

而無暴瑕瑕周之支鄭氏云山桑縣有瑕城晉使詹瑕處

惠公賂秦詹詹桓伯采大夫詹父後詹家伯采後有

者各一國印印叔采山印陽印成縣

羅泌曰諸侯有國以處其子孫大夫有采以處其子孫采

者服事之稱也

所謂亮采一作采爾雅云尸采也采寮官也郭璞云官地爲采同官爲寮義亦同采

取以奉君子故亦用采猶備食菜字書又作深集韻音菜云臣食邑

諸侯嗣有國者也圻外之侯惟嫌紛變是故必世子而世

祿圻內之侯入爲王官必選賢德是故異於外侯有祿而

不必世然有大功亦有采地以嗣其子所謂官有世功有

官族者邑亦如之所以處子孫也書大傳曰古者諸侯始

封則有采地百里諸侯以三十里七十里諸侯以二十里

五十里諸侯以十五里其後子孫雖有罪黜其采地不黜

使其子孫賢者守之世世以祠其始受封之人此之謂興

滅國繼絕世書曰茲予大享于先王爾祖其從與享之故

古之有功德於民者與民共封之所以繫民心也至於後

嗣弗能遵守廢祀失國則民望於是絕故必興而繼之使
歸心焉漢追何後魏錄繇世縱其不肖猶當十世宥以勸
能者後世不知此見功臣子孫有無功而受祿則思所以
削而奪之而不知其乃祖乃父固嘗功於民功於我矣吾
之有天下亦猶是也孟子曰所謂故國者非謂有喬木之
謂有世臣之謂也成季之勲宣孟之烈而訖無後則爲善
者懼矣苟有先祠何廢二勲若子文而無後奚以勸善官
人以世雖紂之秕政然賞延于世者皋陶之訓仕者世祿
亦文王所由興也勾龍共工皋陶伯夷昭明伯益相士伊
陟三五之時祿不免世春秋胡爲譏世卿哉

列國都鄙之官

日知錄詩毛氏傳下邑曰都後人以爲人君所居非也

帝王

世紀天子所宮曰都釋名都者國君所居

考之經則書之云大都小伯詩之云

在浚之都作都于向者皆下邑也左傳云先王之制大都

不過參國之一中五之一小九之一又曰邑有宗廟先君

之主曰都無曰邑故晉二五言於獻公曰狄之廣莫於晉

爲都謂蒲也屈也士伯謂叔孫昭子曰將館子於都謂箕

也公孫朝謂季平子曰有都以衛國也謂成也仲由爲季

氏宰將墮三都謂郕也費也成也萊章曰往歲克敵今又

勝都謂廩丘也孟子王之爲都者臣知五人焉謂平陸也

韓子衛嗣君以一都買一胥靡謂左氏也史記趙良勸商

君歸十五都灌園於鄒

秦封商鞅十五邑

秦王謂藺相如召有司

案圖指從此以往十五都予趙齊王令章子將五都之兵
因北地之眾以伐燕張儀說楚王請效萬家之都以爲湯
沐之邑而陳恢見沛公亦曰宛大郡之都也其名始於周
禮小司徒九夫爲井九井爲邑四邑爲丘四丘爲甸四甸
爲縣四縣爲都注四縣方四十里而王之子弟所封及公卿之采
邑在焉於是乎有都宗人都司馬其後乃爲大邑之稱耳
縣注距王城四百里以外至五百里曰都故詩云彼都人士禮記月令命農
勉作毋休于都而宰夫掌羣都縣鄙之治注羣都諸采邑也商子
言百都之尊爵厚祿史記信陵君之諫魏王謂所亡於秦
者大縣數十名都數百則皆小邑之稱也

莊公二十八年築郿非都也凡邑有宗廟先君之主曰都無

曰邑邑曰築都曰城

周禮四縣為都四井為邑然宗廟所在則雖邑曰都尊之也言凡邑則他築非

例

臧武仲如晉雨過御叔在其邑將飲酒

御叔魯御邑大夫

曰雨

行何以聖為穆叔聞之曰不可使也而傲使人令倍其賦者古

家有國邑故以重賦為罰

疏鄭元云賞地之稅三分計稅王食其一二全入於臣此采邑貢王之數也然則諸侯之臣

受其采邑亦當三分之一歸於公故云古者家有國邑言以

國邑為已之家有貢於公者是減已而貢之故以重賦為罰

言三分有二

仲由為季氏宰將墮三都

三都費郈成也強盛將為國害故仲

入於公也

仲由為季氏宰將墮三都

三都費郈成也強盛將為國害故仲

山欲

於是叔孫氏墮郈季氏將墮費公山不狃叔孫輒帥費

人以襲魯

不狃費宰也輒不得志於叔孫氏

仲尼命申勾須樂頎下伐之

魯大夫仲尼

費人北二子奔齊

二子不狃叔孫輒

時為司寇

遂墮費將墮成公

成在魯北境故

斂處父謂孟孫墮成齊人必至於北門

成在魯北境故

且成孟氏之

保障也無成是無孟氏也子偽不知

佯不知

我將不墮公圍成

保障也無成是無孟氏也子偽不知

佯不知

我將不墮公圍成

保障也無成是無孟氏也子偽不知

佯不知

我將不墮公圍成

弗克 公羊傳曷為帥師墮郈帥師墮費據城孔子行乎季

孫三月不違曰家不臧甲邑無百雉之城於是帥師墮郈帥

師墮費郈叔孫氏所食邑費季氏所食邑二大夫宰吏數叛

邑有城池之固家有甲兵之威故也季氏說其言而墮之故

君臣勢也不書去甲雉者何五板而堵凡八尺曰板堵五堵而雉

者舉墮城為重二百尺雉而城制也禮天子千雉蓋受百雉之城十伯七十

尺雉子男五十雉天子周城諸侯家語孔子言於定公曰家

不臧甲邑無百雉之城古之制也今三家過制請皆損之乃

使季氏宰仲由墮三都 晉始封桓叔於曲沃晉文侯卒子昭侯元年封

成師為師服曰吾聞國家之立也本大而末小是以能固故

天子建國立諸侯也諸侯立家卿大夫卿置側室側室眾子也大夫有

貳宗

適子為小宗次者為貳宗

士有隸子弟

士卑自以其子弟為隸

庶人工商各有

分親皆有等殺

庶人以親疏為分別衰殺也

是以民服事其上而下無覲

覲今晉甸侯也而建國本既弱矣其能久乎

諸侯而在甸服者疏雒邑與

宗周通封畿東西長南北短東都方六百里半之為三百里外有侯服五百里為八百里計晉都太原去洛八百里故曰

甸

驪姬嬖欲立其子賂外嬖梁五與東關嬖五

姓梁名五在閭闔之

外者東關嬖五別在閭塞外亦名五皆大夫為獻公所嬖倖視聽外事

使言於公曰曲沃君之

宗也

曲沃桓叔所封先君宗廟所在

蒲與二屈君之疆也

蒲今平陽蒲子縣二屈今平陽北屈

縣或云二當為北

不可以無主宗邑無主則民不威疆場無主則啟

戎心戎之生心民慢其政國之患也若使太子主曲沃而重

耳夷吾主蒲與屈則可以威民而懼戎且旌君伐使俱曰狄

之廣莫於晉為都晉之啟土不亦宜乎

廣莫狄地之曠絕也即謂蒲子北屈也言

遣二公子出都之晉侯說之夏使太子居曲沃重耳居蒲夷

則晉方大開土界吾居屈羣公子皆鄙鄙邊唯二姬之子在絳晉侯作二軍

公將上軍太子申生將下軍趙夙御戎畢萬爲右以滅耿滅

霍滅魏平陽皮氏縣東南有耿鄉永安縣東北有霍大山三縣皆姬姓還爲太子城曲沃賜

趙夙耿賜畢萬魏以爲大夫士蔣曰太子不得立矣分之都

城而位以卿先爲之極又焉得立位以卿謂晉文公官方

定物正名育類異姓之能掌其遠官遠官都范武子佐文

襄爲卿以輔成景後之人可則是以受隨范顧棟高曰山東

范武子封邑世多疑之以晉當春秋中葉不應拓土至此季

氏私考遂以爲隨之別名按宣十二年鄭之戰稱隨武子十

五年荀林父滅潞十六年士會滅甲氏畱吁晉侯請于王命

爲太傅王享之其時止稱武子而不稱隨十七年請老遂稱

范武子以後世世稱范意范爲赤狄潞氏晉滅其族因爲武

子賞功之邑耳是時荀林父賞狄臣于室士伯諫不殺荀林

父猶予以瓜行之縣士會滅甲氏畱吁豈獨無賞傳但載其
將中軍為太傅而偶遺其封邑耳春秋時狄之疆域甚遠伐
邢而邢遷夷儀攘邢故地入衛而衛遷楚邱處殷之故墟其
後屢侵齊魯曹濮之境狄地實相犬牙而晉獻之世以蒲屈
為邊案蒲屈為今平陽府隰吉二州之境自此以東皆狄地
故曰狄之廣莫狄之東為衛衛之東為齊故其時晉之與齊
甚遠遠及既滅潞氏二年而武子遂封范中其間不聞別侵齊
魯故知范為狄之故地無疑自是以後衛之故封如河內朝
歌邯鄲百泉之地悉為晉邑幾有中原大半與齊魯衛三國
為鄰境鞍之戰遂卷甲而入齊矣後漢東昌之寇縣為晉冠
氏邑邱縣為晉乾侯邑而齊烏餘以原邱入晉康邱亦范境
此皆宣公以後之晉非宣公以前之晉也隨在今山西介休
縣縣東有隨城隱五年翼侯奔隨即此土會既受范隨仍歸
於晉案吳季札封延陵稱延陵季子後更封州來稱延州來
季子以兩邑並食故得兼稱今

范氏惟稱范故知更不食隨也
魏獻子為政獻子分祁氏
之田以為七縣七縣陽塗水馬首孟也分羊舌氏之田以為三縣

銅鞮平司馬彌牟為祁大夫太原賈辛為祁大夫太原司馬

陽楊氏為平陵大夫魏戊為梗陽大夫太原知徐吾

六典通考卷七
書

為塗水大夫

徐吾知盈孫塗水太原榆次縣北

韓固為馬首大夫

固韓起孫孟丙

為孟大夫

太原孟縣

樂霄為銅鞮大夫

上黨銅鞮縣

趙朝為平陽大夫

朝趙勝曾孫平陽平陽縣

僚安為楊氏大夫

平陽楊氏縣

孔穎達曰此祁氏與

羊舌氏之田舊是私家采邑二族既滅其田歸公分為十縣

為公邑故選置大夫也

趙簡子使尹鐸為晉陽

尹鐸簡子家臣晉陽

趙氏邑

請曰以為繭絲乎抑為保障乎

繭絲賦稅保障蔽扞也小臣曰保禮記曰

遇入簡子曰保障哉尹鐸損其戶數

損其戶則民

簡子誠襄

子襄子簡子之

曰晉國有難而無以尹鐸為少無以晉陽為

遠必以為歸

鄭武公取武姜生莊公及共叔段姜氏愛段

莊公即位為之請京使居之謂之京城太叔祭仲曰都城過

百雉國之害也

方丈曰堵三堵曰雉一雉之墻長三丈高一丈侯伯之城方五里徑三百雉故其大都一

得過百雉先王之制大都參國之一三分國一城之一中五之一小九之一

今京不度非制也不合法度君將不堪太叔完聚完城部繕聚人民繕

甲兵具卒乘將襲鄭公伐之太叔出奔共孫林父以戚如

晉以邑屬晉書曰入于戚以叛罪孫氏也臣之祿君實有之義則

進否則奉身而退專祿以周旋戮也林父事剽而衍入義可

罪故專發之疏釋例云古之大夫或錫之田邑或分之都

城故有千室之邑百乘之家君之祿義則進否則奉身而退

若專祿以周旋雖無危國害主之實皆書曰叛若乃披邑害國則以地重必書其名且終顯其惡也六月公會

晉趙武宋向戌鄭良霄曹人於澶淵以討衛疆戚田正戚之封疆

取衛西鄙懿氏六十以與孫氏戚城西北五十里有懿城因

疏西鄙之地以懿氏為名蓋上世有大楚靈王城陳蔡不

夫姓懿氏食邑此地因以其姓名其城楚靈王城陳蔡不

龔使棄疾為蔡公王問於申無宇曰棄疾為蔡何如對曰擇

子莫如父擇臣莫如君鄭莊公城櫟而賓子元焉使昭公不

立子元鄭莊公子莊公賓子元於櫟桓十五年厲公因殺齊桓

公城穀而賓管仲焉至於今賴之城穀在莊三十二年臣聞五大不在

邊五細不在庭上古金木水火土謂之五官元鳥氏丹鳥氏

官之本也末世隨事施職是以官無常數今無字稱習古言故云五大也親不在外羈不在內今

棄疾在外鄭丹在內君其少戒王曰國有大城何如對曰鄭

京櫟實殺曼伯曼伯檀伯也厲公得櫟又并京宋蕭毫實殺子游齊渠邱實

殺無知渠邱今齊國西安縣也齊大夫雍廩邑衛蒲戚實出獻公蒲甯殖邑戚孫林父邑

若由是觀之則害於國末大必折折其本尾大不掉君所知也

國語靈王城陳蔡不羹使僕夫子皙問於范無宇曰吾不

服諸夏而獨事晉何也唯晉近我遠也今吾城三國賦皆千

乘亦當晉矣又加之以楚諸侯其來乎對曰其在志也國爲
大城未有利者昔鄭有京櫟衛有蒲戚宋有蕭蒙魯有弁賁
齊有渠丘晉有曲沃秦有徵衙叔段以京患嚴公鄭幾不封
櫟人實使鄭子不得其位衛蒲戚實出獻公宋蕭蒙實殺昭
公魯弁賁實弱襄公齊渠丘實殺無知晉曲沃實納齊師秦
徵衙實難相景皆志於諸侯此其不利者也且夫制城邑若
體性焉有首領股肱至於手拇毛脈大能掉小故變而不勤
故有天下天有晦明民有君臣國有都鄙古之制也先王懼
其亂故制之以義旌之以服行之以禮辨之以名書之以
文道之以言既其失也易物之由夫邊境者國之尾也譬之
如牛馬處暑之既至蚩蠶之既多而不能掉其尾臣亦懼之

不然是三城也豈不使諸侯之心惕惕焉

顧棟高曰三代之都邑卽後世郡縣之制而三代封建之國大者僅如今之縣至春秋中葉強兼弱削列國已半爲郡縣初不始于秦也古者九夫爲井四井爲邑四邑爲都孔子言邑自十室至千室其大小可知蓋古之疆域不及今五分之一而執玉帛者有萬其勢弱其力分故無能抗衡爲患方伯連帥得以臂指相使又其時風俗淳古無有兼併吞噬之患故夏商之時有王者無羣雄三代諸侯皆以次相授其更姓改物另爲建置者不過百餘國耳杞鄫薛越傳國幾及二千年之久論者徒謂封建之子孫不能皆賢余謂不待其子孫也卽其祖宗已不可恃何則三代

之取天下其君臣皆有聖人之德治定功成剖符析土創
法垂制踰數百年至戰國而有七雄矣世益降則割據益
橫非得翦信韓彭凶虓暴桀之徒則不得芟除羣醜削平
叛亂而其人大抵出於賣漿屠狗庸奴氓隸之中至如斛
律金王君廓輩則又不識一字即使爲郡縣長無異豺狼
之牧斯人何況世有爵土與國長久哉是故漢之七國晉
之八王皆及身蒙禍論者謂非封建之害患不行教學齒
胄之制耳嗚呼今之郡縣設立師儒教授之官尙不能施
行教化漸於禮義而謂行封建之後能馴習膏粱執綽之
徒使明於君國子民之道此又如寸莛之撞巨鐘龍肉欲
以療饑耳余觀春秋中葉如楚之申息晉之荀賈秦之少

梁吳之州來初皆小國諸侯而夷爲都邑豈非天子方伯
交失其道而強侯之攘竊并吞于其下者多乎後之有天
下者精擇守令用久任超遷之制則能熟知民之利病而
施教化慎簡督撫授以專制一方之柄則皆習知吏之賢
否而加黜陟用後世郡縣之制而兼有三代封建之利聖
人復生計無易於此矣

論語儀封人正義曰封人掌爲畿封而樹之鄭元云畿上有封人亦然也左傳言潁谷封人祭仲足爲祭封人宋高哀爲蕭封人皆以地名封人職典封疆居在邊邑潁谷儀祭皆是國之邊邑也求也千室之邑百乘之家可使爲之宰也正義曰千室之家謂卿大夫采邑地有一同民有千家者也左傳曰唯卿備百邑司馬法成方十里出革車一乘故知百乘之家地也孟子之平陸他日見於王曰王之爲都者臣知五人

馬爲都治都也邑有先君之宗廟曰都日知錄史記商君
傳築冀闕宮庭於咸陽秦自雍徙都之而集小都鄉邑聚
爲縣置令丞凡三十一縣上都國都
之都下都都鄙之都史文兼古今語

論曰古者酌德報功則封建以國邑其次功德雖不及
于民而親愛之情不能終已于是有采地世祿之制自
王迹既衰二者同卽于壤駸駸乎不可復行矣蓋禮樂
征伐之權不可不謹其所自出權出于上其道順權出
于下其勢逆易曰子弑其父臣弑其君非一朝一夕之
故由來者漸矣周自共和行政天子不有其權而假之
諸侯諸侯不有其權而假之大夫其卒也上行下效本
折末強魯弱於三家晉分於六卿齊斃於田和始皆用
大臣子弟分食采邑後乃化家而爲國矣故晉武公以

曲沃興楚棄疾用陳蔡起大都耦國之患當世奉爲明
戒豈直空言而已哉人事旣變於下天運遂應於上是
以商鞅李斯之徒出舉古制而盡棄之功臣子弟人人
不得假尺寸之土而帝王之支庶亦遂與齊民編戶無
異豈非勢之積漸使然與

六典通考卷八

湖西閭鎮珩輯

設官考

歷代都鄙之官

秦都咸陽置內史掌治京師三川河東爲諸郡首陪輔關中

勢莫重焉

漢謂之三河

蒙靜以功拜內史李由爲三川守閭樂

令

故秦內史高帝元年屬塞國二年更爲渭南郡九

爲內史景帝二年分置左內史

師古曰地理志云武帝建元六年置左右

志不同據史記知志誤矣

右內史武帝大初元年更名京

兆尹也師古曰京大也兆眾數大眾所在故云京兆屬官有

長安市廚兩令丞又都水鐵官兩長丞縣十二長安高帝五年置惠

帝元年初城新豐故驩戎國秦曰驩邑高祖七年置應劭曰太上

實之故船司空莽曰船利師古曰本主藍田華陰故陰晉秦

號新豐年更名甯秦高帝八年鄭周宣王弟鄭桓公邑有鐵官湖有

更名華陰莽曰華壇鄭應劭曰宣王母弟友所封湖有

天子祠二所故曰下邳秦武公伐邾下南陵文帝七年奉明帝宣

胡武帝更名湖置上邳故加下南陵文帝七年奉明帝宣

置霸陵故芷陽文帝更杜陵故杜伯國宣帝左馮翊故秦內

元年屬塞國二年改名河上郡九年罷復為內史武屬官有

帝建元六年分為左內史太初元年更名左馮翊屬官有

稟犧令丞尉師古曰稟主藏穀犧主又左都水鐵官雲壘長

安四市四長丞皆屬焉馮輔也縣二十四高陵左輔都尉治

櫟陽秦獻公自雍徙莽曰師亭翟道莽曰池陽惠帝四年置夏陽故少梁秦惠

更名有鐵官衙莽曰達昌師古曰即春栗邑莽曰谷口谷口莽曰

莽曰冀亭秋所云秦晉戰於彭衙栗邑莽曰谷口谷口莽曰

酌音輦

鹿莽令曰

頻陽

秦厲公置在
頻水之陽

臨

故大荔秦獲之重

調莽
泉曰
郤

陽師古曰音合卽詩所謂在洽之陽

祓祠

景帝二年置師古曰殺

訓利
立

武城

云伐秦晉取武城者也

沈陽

制莽日襄德莽日徵

莽曰
汜愛

雲陵

昭帝萬年
高帝置莽曰異
太上皇葬樂陽

赤三

輔黃圖云長陵高

置葬曰陽長平

陵故名莽曰渭陽雲陽右

扶風故秦內史高帝元

年屬雍國二年更爲中地郡九年罷復爲內史武帝建元六

年分爲右內史太初元年更名主爵都尉爲右扶風

風扶
化助
也也

師古曰主爵都尉本秦之主爵中尉掌列侯
至太初元年更名右扶風而治於內史右地

治内史右地方東

朔建元三年詔中尉左右內史師古曰時未爲京兆馮翊扶風故云中尉及左右內史又云三輔之地盡可以爲苑師

古曰中尉及左右內史則爲三屬官有掌畜令丞尹翁歸傳曰豪彊有

論罪輪掌畜官使斫莖東方朔又有都水鐵官廢雍廚四長
日益爲右扶風畜牧之所在也

日益爲在拉風畜物之所在也。云者。二金竹。月琴。馬。扇。四具。

丞皆屬焉五時在雍縣二十一渭城故咸陽高帝元年更名

帝元鼎三年更名槐里周曰犬丘懿王都之秦更名廢鄂古

有扈谷亭扈整屋有長揚宮射熊館秦昭周后稷郁夷詩

夏啟所伐美陽周太王所邑有高郿右輔都雍秦惠公都之

道郁夷莽美陽泉宮秦宣太后起郿尉治雍秦惠公都之

日郁平美陽泉宮秦宣太后起郿尉治雍秦惠公都之

黃帝以下漆水在縣西有鐵柁邑有幽鄉詩幽隰麋有

百三所有鐵官漆水在縣西有鐵柁邑有幽鄉詩幽隰麋有

帝子祠莽陳倉秦武王起杜陽杜水南入渭汧吳山在西古

日扶亭陳倉秦武王起杜陽杜水南入渭汧吳山在西古

汧水出西好時好號太后起安陵驪以爲本周之程邑

北入渭好時好號太后起安陵驪以爲本周之程邑

茂陵武帝置戶六萬一千八百七口宣城平陵昭帝置莽武

功新光右扶風與左馮翊京兆尹是爲三輔服虔曰皆治在

日三輔黃圖云京兆在尚冠前街東入故中尉府馮翊在太

上皇廟西入右扶風在夕陰街北入故主爵府長安以東爲

京兆長陵以北爲左馮翊皆有兩丞列侯更屬大鴻臚元鼎

渭城以西爲右扶風也皆有兩丞列侯更屬大鴻臚元鼎

四年更置二輔都尉都尉丞各一人據百官表三輔各有一

高陵縣左輔都尉治右扶風郿縣右輔都尉治京兆尹獨無

都尉此係疏瀾趙廣漢傳云為陽翟令以治行尤異遷京輔

都尉京輔即京兆其治華陰見宣紀本始元年注三輔俱有

都尉甚明張敞傳云京兆典京師長安中浩穰於三輔尤為

劇左右輔有都尉無京兆獨無之理循吏傳黃霸淮陽陽夏

人補左馮翊二百石卒史如淳曰三輔郡得任用它郡人而

卒史獨二百石所謂尤異者也凡卒史皆引農郡武帝元鼎

用本郡人祿百石三輔不然故如淳云云引農郡四年置莽

日右縣十一弘農故秦函盧氏昌富陝故虢國有焦城故焦

隊在滎陽西號在宜陽有鐵官昭池高帝八年復昭池中鄉民

雍州莽曰黃眉宜陽有鐵官昭池景帝二年初城徙萬家為

縣莽曰丹水入鈞密陽鄉故商密也新安南入雒東商秦

陝亭析莽曰陸渾春秋遷陸渾上雒河東郡秦置莽曰北陽

邑衛鞅析君亭陸渾戎於此有關上雒河東郡有根倉渚倉

縣二十四尹翁歸傳田延年為河東太守重翁歸署督郵河

南彼八字必安邑魏絳自魏徙此至惠王徙大陽周武王

是四字之誤安邑梁有鐵官鹽官莽曰河東大陽封太伯

六與重六六八三

後於此是為虞公為猗氏解蒲反蒲城曰河北詩魏國晉獻公

晉所滅莽曰勤田莽曰汾陰介山聞喜故曲沃晉武公自晉

畢萬曾孫絳左邑莽曰汾陰介山聞喜故曲沃晉武公自晉

徙安邑也左邑兆亭汾陰在南山聞喜陽徙此武帝元鼎六

年行過聞南越獲澤析城山端氏臨汾垣在東北皮氏故鄉

破改曰聞喜在西南端氏臨汾垣在東北皮氏故鄉

國晉獻公滅之賜大夫趙夙後十長修平陽韓武子元孫貞

世獻侯徙中平有鐵官莽曰延平長修平陽子居此有鐵官

莽曰襄陵幹昌彘城順帝改曰永安楊莽曰有年亭北屈

香平襄陵幹昌彘城順帝改曰永安楊莽曰有年亭北屈

莽曰蒲子武帝置師古曰絳晉武公自曲沃狐讞騏侯武帝

朕北蒲子重耳子所居也絳晉武公自曲沃狐讞騏侯武帝

初置司隸校尉所部三輔三河諸郡其界西得雍州之京兆

馮翊扶風三郡北得冀州之河東河內二郡東得豫州之弘

農河南二郡郡凡七位望降於牧伯銀印青綬河內郡高帝

為殷國二年更名縣十八懷有工官莽汲武德始皇東巡置

莽曰後隊屬司隸縣十八懷有工官莽汲武德始皇東巡置

天波有絳城晉文山陽東太行山河陽莽曰共伯入

下波公所得豐者山陽在西北河陽河亭州共曰共伯入

公所得豐者山陽在西北河陽河亭州共曰共伯入

在西北河陽河亭州共曰共伯入

河陽河亭州共曰共伯入

河亭州共曰共伯入

州共曰共伯入

為三公平皋左傳曰晉侯送女朝歌所封更名衛莽曰雅歌

者也晉始敗南陽秦改曰修武臣瓚曰韓非書秦昭王越

修武趙長平西伐修武時秦未兼天下修武之名久矣

故國蘇忿璧王衛元君為秦所奪自獲嘉故汲之新中鄉

生所封沁水隆慮國有蕩陰有羑里城河南郡故秦三川

原鄉晉文沁水隆慮國有蕩陰有羑里城河南郡故秦三川

公所圍五萬二千八百三十縣二十二雒陽是為成周春

名雒陽戶五萬二千八百三十縣二十二雒陽是為成周春

九莽曰保忠信鄉屬司隸也縣二十二雒陽是為成周春

秋昭公二十一年晉合諸侯於狄泉以榮陽應劭曰故號偃

其地大成周之城居敬王莽曰宜陽榮陽國今號亭是偃

師戶鄉放所京平陰城在平中牟有筦叔邑趙獻平莽曰陽

武陽桓河南以故鄭鄆地周武王遷九鼎周公營緱氏劉聚周

子邑莽卷原武莽曰鞏東周穀成師古曰即故市密故國有

新成惠帝四年置蠻開封逢池在東北或成皋故虎牛或曰

天子傳云七萃之士生捕獸即獻苑陵莽曰梁惡狐聚秦滅

天子天子畜之東號號曰獸牢苑陵左亭梁西周徙其君

六典通考卷八

於此陽人聚秦滅新鄭詩鄭國桓公子武公所國
東周徙其君於此後爲韓滅自平陽徙都之

漢書考異京兆馮翊扶風不言屬司隸者尊京輔也恆農
河東承三輔之下故亦不言所屬河內河南則中隔太原
上黨兩郡故書屬司隸以別之王莽傳河東河內恆農河
南潁川南陽爲六隊郡以志考之南陽爲前隊河內爲後
隊潁川爲左隊恆農爲右隊河東爲兆隊祈隊則治河南
之滎陽莽傳云祈隊故滎陽也 王鳴盛曰京兆尹下當

有都尉闕漏不書別見他如河東都尉趙護拜爲廣漢太
守見成紀及薛宣傳張湯元孫放亦爲河東都尉見湯傳
周陽由亦爲河東都尉見酷吏傳河東有都尉甚明景帝
召拜枚乘爲弘農都尉據志武帝元鼎四年置宏農尹翁

郡則景帝無此郡當係追書尹翁

歸舉廉爲宏農都尉各見本傳宏農有都尉甚明義縱遷
河內都尉見酷吏傳河內有都尉甚明宏農郡宏農縣下
注云故秦函谷關考杜周曾孫業爲函谷關都尉亦見周
傳而辛慶忌之子遵亦爲之見慶忌傳丞相車千秋之弟
亦爲之見魏相傳張敞亦爲之見本傳此百官表所謂關
都尉也志但注關名不言有關都尉係脫漏

後漢河南尹秦三川郡高帝更名世祖都雒陽建武十五年

改曰河南尹

應劭漢官曰尹正也郡府聽事壁諸尹畫贊肇自建武訖于陽嘉注其清濁進退所謂不隱過

不虛譽甚得述事之實後人是瞻足以勸懼雖春二十一城

秋采毫毛之善貶纖介之惡不避王公無以過此

雒陽今之雒陽

周時號成周

公羊傳曰成周者何東周也何休曰周道始成王之

所都也河南梁滎陽卷原武陽武中牟開封苑平陰穀城緱氏

鞏成皋京密新城偃師新鄭平河內郡高帝置雒陽北百二十里十八城

懷河陽軹波沁水野王温州平皋山陽順帝阿母宋武德獲

嘉馮石所封獲修武共汲朝歌蕩陰林慮河東郡秦置雒陽西北五百

里博物記曰有山澤近鹽沃土之民不才二十城安邑楊平

陽馮奮所封平臨汾汾陰蒲坂大陽解皮氏聞喜和帝女聞

絳邑永安河北猗氏垣襄陵北屈蒲子濩澤更始孫劉巡所

澤侯鄧鯉端氏弘農郡武帝置其二縣建武十五年九城宏農陝

龜池新安宜陽陸渾盧氏湖華陰京兆尹建武十五年屬雒陽西九百五十里

決錄注曰京大十城長安安帝永初四年置京兆虎霸陵杜

陵鄭新豐藍田長陵商上雒陽陵錢大昭曰隸續劉寬碑陰

彥又有京兆下圭六人前志京兆有下邳今郡左馮翊雒陽

國志無疑司馬氏脫此一縣或中葉以後省

百八十八里決錄注十三城高陵池陽雲陽穀羽頻陽萬年

蓮勾重泉臨晉郃陽夏陽衙栗邑右扶風決錄曰扶風化也十五城

槐里安陵平陵茂陵鄠郿武功陳倉汧渝廉取況所封又耿掩封好時侯傳

四世至安順時尚無恙而志無此縣未知其審雍安帝永初中置扶風都尉居雍枸

邑美陽漆杜陽右司隸校尉部郡七縣邑侯國百六漢書舊儀曰司

隸治所故孝武廟魏志曰曹公分關中置漢興郡國游楚為太守熹帝起居注曰中平六年省扶風都尉置漢安郡鎮雍

渝廉杜陽陳倉汧五縣也

魏氏受禪即都漢宮司隸所部河南河東河內弘農並冀州

之平陽合五郡置司州

晉仍居魏都乃以三輔還屬雍州分河南立榮陽分雍州之

京兆立上洛廢東郡立頓丘遂定名司州以司隸校尉統之

州統郡一十二縣一百河南郡

漢置統縣十二置尹

洛陽

置尉司隸校尉

河南尹及百官列城內

河南

周東都王城夾鄆也

鞏周孝王封周桓公孫惠公於

鞏號東周故戰國時有東西

周河陰

新安所居

成皋

之武牛鄭

緣氏

劉子邑

陽城

新城

有延壽關故

陸渾

故蠻子國楚莊

梁

戰國時為南

陽

榮陽郡

秦始皇二年

榮陽

地名敖倉者

京

段所居

密

始皇

陽武苑陵中牟

六國時趙

開封

或曰蓬澤

弘農郡

漢置統

農

本面谷關漢武

湖陝

故虢國周分陝

宜陽

池華陰

華山

南上洛郡

秦始皇二年分

京兆

上洛

嶢關在商

商

盧氏平陽

郡

故屬河東魏分

平陽

舊堯都

楊

故楊

端氏

君永安

故霍伯國

蒲子

狐譚

襄陵

公國

絳邑漢澤

汾

公國

北屈

有南屈

皮氏

故耿

河東郡

秦置統

安邑

舊

閿

故稱北

秦置統

安邑

舊

喜故曲垣汾陽相公國大陽吳山猗氏古猗解有鹽蒲坂有歷

所耕河北汲郡秦始皇二年汲有銅朝歌紂所共故林慮獲嘉

漢武帝行過時獲修武河內郡漢置統野王州故晉懷平皋

呂嘉首因改名邢侯自襄河陽沁水軹山陽温故國廣平郡魏置統廣平邯

國徙此秦置易陽武安涉襄國故邢侯南和任曲梁列人肥鄉臨

鄆為郡水廣平侯斥漳平恩陽平郡魏置統元城漢元后館陶清泉

發干東武陽陽平樂平魏郡漢置統鄴魏武受長樂魏斥丘

安陽蕩陰內黃黃池黎陽故黎頓丘郡秦始皇二年頓丘繁陽

陰安衛永嘉之後司州淪沒劉聰聰以洛陽為荊州及石勒

復以為司州石季龍又分司州之河南河東弘農滎陽兗州

之陳畱東燕為洛州元帝渡江僑置司州於徐非本所也

東晉渡江罷司隸校尉官變其職爲揚州刺史

宋孝建元年分揚州之會稽東陽新安永嘉臨海五郡爲東

揚州大明三年罷州以其地爲王畿以南臺侍御史部諸郡

如從事之部傳焉而東揚州直云揚州八年罷王畿復立揚

州揚州還爲東揚州前廢帝永光元年省東揚州併揚州順

帝昇明三年改揚州刺史曰牧領郡十領縣八十丹楊尹素

郡治今吳興之故鄣縣漢初屬吳國吳王濞反敗屬江都國

武帝元封二年爲丹楊郡治宣城之宛陵縣晉武帝太康二

年分丹楊爲宣城郡治宛陵而丹楊領縣八建康令秣陵令

丹楊令江甯令永世令溧陽令湖熟令句容令會稽太守素

治吳漢順帝永建四年分會稽爲吳郡會稽移治山陰領縣十去京都水一千三山陰

令永興令上虞令餘姚令剡令諸暨令始甯令句章令鄞令

鄞令吳郡太守分會稽立孝武大明七年復舊領縣十二去京都水六百七十

陸五百二十吳令婁令嘉興令海虞令海鹽令鹽官令錢塘令富

陽令新城令建德令桐廬令壽昌令吳興太守孫皓寶鼎元年分吳丹陽

立領縣十去京都水九百五十烏程令東遷令武康令長城令

原鄉令故鄣令安吉令餘杭令臨安令於潛令淮南太守秦

為九江郡兼得廬江豫章漢高帝四年更名淮南國分立豫

章郡文帝又分為廬江郡武帝元符元年復為九江郡治壽

春縣後漢徙治陰陵縣魏復曰淮南徙治壽春晉武帝太康

元年復立歷陽別見當塗遂道諸縣二年復立鍾離縣別見

並二漢舊縣也三國時江淮為戰爭之地其間不居者各數

百里此諸縣並在江北淮南虛其地無復民戶吳平民各還

本故復立焉其後中原亂胡寇屢南侵淮南民多南渡成帝

初蘇峻祖約為亂於江淮胡寇又大至民南渡江者轉多乃

於江南僑立淮南郡及諸縣晉末遂割丹楊之于湖縣為淮

南境宋孝武大明六年以淮南併宣城郡徙治于湖八

年復立淮南郡屬南豫州領縣六十去京都水一百七十于湖令

明帝泰始三年還屬揚州領縣六十去京都水一百七十

當塗令繁昌令襄垣令定陵令遼道令宣城太守晉武帝太康元年分

立丹楊領縣十八去京都水五百宛陵令廣德令懷安令甯國令

宣城令安吳令涇令臨城令廣陽令石城令東陽太守本會稽西

部都尉吳孫皓領縣九去京都水一長山令太末令烏傷令寶鼎元年立

永康令信安令吳甯令豐安令定陽令遂昌令臨海太守本會稽東部都尉前漢都尉治鄞後漢分會稽為吳

郡疑是都尉徙治章安也孫亮太平二年立領縣五去京都水

九陸同章安令臨海令始豐令甯海令樂安令永嘉太守

晉明帝太甯元年領縣五去京都水二千八百永甯令安固令

松陽令樂成令橫陽令新安太守漢獻帝建安十三年孫權

太康元年領縣五去京都水一千八百始新令遂安令歙令海

年更名甯令黟令

齊梁陳復爲丹楊郡揚州刺史南徐東揚州刺史品並第三

凡軍車刺史加督進一品都督進二品不論持節假節揚州

徐州加督進二品右光祿以下加都督第一品尚書令下

丹楊尹千石會稽太守二千石加督進在第四品雍州下加

督及都督皆以吳郡吳興太守二千石丹楊會稽吳郡吳興及

此差次爲例萬戶郡丞並六建康令千建康王監平秩同品並第七

後魏司州治鄴城魏武帝國於此太祖天興四年置相州天

平元年遷都改領郡十二縣六十五魏尹故魏郡漢高祖置

司州天興中屬相領縣十三鄴天平初併蕩陰太和置關今罷臨

州天平初改爲尹領縣十三鄴天平初併蕩陰太和置關今罷臨

漳天平初分鄴併內繁陽真君六年併頓丘太和十九列入

晉屬廣平昌樂太利二十一年置郡天平中罷郡武安晉屬廣平臨

水真君六年併鄴太魏平邑天平二年易陽二漢屬趙國晉

屬有易元城晉屬陽平斤章晉屬廣平眞君三年併列人貴

鄉東中郎將治有空陵城關城有陽平郡魏文帝黃初二年

領縣八館陶晉屬清河清淵晉屬有樂平前漢清縣後漢章發

干發干城臨清太和二十一年置武城永安中置天平元年武陽二

晉屬東郡曰東陽平二漢屬東郡晉永嘉後併樂平太和二

武陽後改屬陽平十一年復屬有陽平城崗城趙簡子陵

廣平郡漢武帝爲平子國宣帝改爲廣平國後漢建武領縣

六平恩晉治平曲安景明中分平恩邯鄲眞君六廣平太和

年治廣曲梁廣年太和二十年汲郡晉武帝置領縣六北修

武孝昌中分南修南修武汲太和十二年治汲城興和二年

城朝歌山陽孝昌二年置郡初治共獲嘉太和二十三年治

廣宗郡太和十一年立領縣三廣宗中興中立南北廣宗建始

咸建武強真君二年併信都太和經真君二年併東郡秦置
 臺城晉改為濩陽後復天興領縣七東燕城有燕平昌孝昌四年分白
 中置兖州太和十八年改涼城有涼城酸棗有酸棗長垣真君八年
 馬置治白馬有朝溝白涼城南中城酸棗有酸棗長垣真君八年
 平昌城白馬有朝溝白涼城南中城酸棗有酸棗長垣真君八年
 黃景明五年復有長樂武泰初分涼北廣平郡廣平置領
 平丘城匡城蒲城長樂武泰初分涼北廣平郡廣平置領
 縣三南和一名嘉和任後漢有廣平鄉襄國秦為信都項羽
 國晉屬後併任太和城宛鄉城豐城襄國更名二漢屬趙
 二十年復有襄國城林慮郡永安元領縣四林慮慮前漢名隆
 帝名改焉真君六年臨淇天平初分朝歌共星城凡城
 併鄴太和二十一年復臨淇林慮共縣置
 魏德分朝歌置頓丘郡晉武領縣四頓丘太和中外併汲郡餘
 中衛國有衛國城臨黃真君三年併衛國太和陰安真君
 併衛國太和十九年復有宮城黃城陰安真君
 年復有陰安城濮陽郡晉置天興中屬兖州太和十二年
 屬領縣四廩丘晉濮陽屬城陽晉屬濟鄆城晉黎陽郡孝昌
 屬領縣四廩丘晉濮陽屬城陽晉屬濟鄆城晉黎陽郡孝昌

汲郡置治 領縣三黎陽孝昌中屬東黎永安元年頓丘太和十八

年屬汲後屬永安元年清河郡漢高帝置領縣四清河前漢曰厓

分入內黃天平中罷改爲甘陵晉貝丘晉侯城太和十三年武城晉曰東武

改有河城後齊司州置牧監官有別駕從事史治中從事史州都主簿

西曹書佐記室戶曹功曹金曹租曹兵曹騎曹都官法曹部

郡等從事員主簿置史西曹又領西東市置令丞及統清都

郡諸畿郡清都郡置尹丞中正功曹主簿督郵五官門下督

錄事主記議及功曹記室戶田金租兵騎賊法等曹掾史等

員鄴臨漳成安三縣令各置丞中正功曹主簿門下督錄事

主記議及功曹記室戶田租兵騎賊法等曹掾員鄴又領右

部南部西部三尉又領十二行經途尉凡一百三十五里

置正成安又領後部北部二尉後部管十一行經途尉凡七十四里里置正清都郡諸縣令以下官員悉與上上縣同諸畿郡太守以下悉與上上郡同

後周置雍州牧及京尹改東雍爲華州北雍爲宜州南雍爲蔡州華州爲同州後又置東京六府洛州總管

隋開皇二年因周制置雍州牧京兆郡置尹丞正功曹主簿金戶兵法士等曹佐等員並佐史合二百四十四人大興長安縣置令丞正功曹主簿西曹金戶兵法士曹等員並佐史合一百四十四人煬帝大業三年京兆河南俱爲尹並正三品罷長史司馬置贊務一人以貳之

京兆河南從四品

次置東西曹

掾京兆河南從五品

又置京輔都尉從三品立府於潼關主兵領遏

並置副都尉從四品大興

開皇三年置後周舊郡置縣曰萬年高祖龍潛封號大興故改焉

長安河南

帶郡有關官

洛陽

有漢已來舊都後魏置司州東魏改曰洛州後周置東京六府洛州總管

開皇元年改六府置東京尚書省其年廢東京尚書省二年

廢總管置河南道行臺省三年廢行臺以洛州刺史領總監

十四年於金墉城別置總監煬帝即位廢省舊河南縣東四

魏遷鄴改爲宜遷縣後周復曰河南大業元年徙入新都

四

縣令並增爲正五品其後諸郡各加置通守一人位次太守

京兆河南則謂之內史又改郡贊務爲丞位在通守下縣尉

爲縣正尋改爲戶曹法曹分司以丞郡之六司河南洛陽長

安大興則加置功曹而爲三司司各二人京都諸坊改爲里

皆省除里司官以主其事司隸臺大夫一人

正四品

掌諸巡察

別駕二人

從五品

分察畿內一人案東都一人案京師刺史十

四人

正六品

巡察畿外諸郡從事四十人副刺史巡察其所掌

六條一察品官以上理正能不二察官人貪殘害政三察豪強姦猾侵害下人及田宅踰制官司不能禁止者四察水旱蟲災不以實言枉徵賦役及無災妄蠲免者五察部內賊盜不能窮逐隱而不申者六察德行孝悌茂才異行隱不貢者每年二月乘輅巡郡縣十月入奏置丞從六品主簿從八品錄事從九品各一人後又罷司隸臺置司隸從事之名不為常員臨時選京官清明者權攝以行裴蘊為御史大夫欲重已權令屬

唐京兆河南太原等府

自秦漢以來為雍洛并州周隋或置總管都督通名為府開元初乃為京

兆府河南

三府牧各一員

從二品牧古官舜置十二牧是也秦以京城守為內史漢武改為尹

後魏北齊周隋又以京守為牧武德初因隋置牧以親王為之或不出閣長史知府事

尹各一員

從三品京

城守秦曰內史漢曰尹後代因之隋為內史武德初置牧以長史總府事開元初雍洛并改為府昇長史為尹從二品專

總府少尹各二員從四品下魏晉以下州府有治中隋文改

治中丞徵避高宗名改為司馬煬帝改為贊理又為丞武德改為

司馬開元初改為少尹司錄參軍二人正七品下錄事四人九

品功倉戶兵法士等六曹參軍事各二人正七品下府史隋書參

軍事六人正八品下執刀十五人典獄十一人問事十二人白直

二十四人經學博士一人從八品上助教二人學生八十人醫藥

博士一人助教一人學生二十人京兆府領縣二十三有府百

日真化匡道水衡中山新城寶泉萬年赤本大興武德元年

善信鳳神安業平香太清餘皆通萬年更名二年析置芷陽

縣七年省總章元年析置明堂縣長安二長安赤總章元年

年省天寶七載曰咸甯至德三載復故名長安析置乾封縣

長安二年省本咸陽德武德元年析興平歲本始平景龍二

弘義後更名咸陽德武德元年析興平歲本始平景龍二

主降吐蕃至此改曰雲陽赤武德元年析置石門縣三年以

金城至德二載更名雲陽石門溫秀置泉州貞觀元年州廢

省溫秀更石門日雲陽雲陽日池陽八年省雲陽更池陽日

雲陽天授二年以雲陽涇陽醴泉三原置州大足元年州

廢涇陽歲三原次赤武德四年日池陽六年日華池析置渭

南歲武德元年隸華州五年還隸雍州天授二年析渭南慶

門大足元昭應次赤本新豐垂拱二年日高陵歲武德元年

年州廢同官歲富平次藍田歲武德二年析置白鹿縣三年

貞觀元同官歲富平次藍田歲武德二年析置白鹿縣三年

年省鄂奉天次赤文明元年析醴泉始平好時武功幽

乾州及覃王出鎮又以畿內好時歲故上宜武德二年析醴

之好時武功藍屋醴泉隸好時泉置好時貞觀入年廢上

宜入岐陽二十一年省好時岐陽復武功歲武德三年以武

置上宜更上宜日好時有大橫關武功功好時藍屋及郿

州之郿鳳泉置樓州又析始平置扶風縣四年以岐州之圍

川隸之七年以郿隸岐州貞觀元年州廢省扶風以圍川鳳

泉隸岐州蓋屋武功隸雍州天授二年復以武醴泉次赤武

功始平奉天蓋屋好時置樓州大足元年州廢醴泉德元年

析置溫秀縣後省醴泉貞觀十華原歲神龍元年復永安日

年營昭陵析雲陽咸陽復置華原華原天祐三年李茂貞

六

墨制以縣美原故土門縣置天祐三年李茂貞墨制以縣置

鳳翔府扶風郡赤上輔本岐州至德元載更郡曰鳳翔二

載復郡故名號西京爲府上元二年罷京元年曰西都未幾

復置都縣九天興次岐山次扶風次麟遊次普潤次寶雞次

虢次郿次盩厔次右京畿採訪使治京城內河南府隋河南

郡武德四年置洛州總管府領洛鄭熊穀嵩管伊汝魯九州

洛州領河南洛陽偃師鞏陽城緱氏嵩陽陸渾伊闕等九縣

其年罷總管府置陝東道大行臺九年罷行臺置洛州都督

府領洛懷鄭汝等四州權置尙書省貞觀八年移治所於河

南縣之宣範坊十八年廢都督府省緱氏嵩陽二縣顯慶二

年置東都官員準雍州光宅元年改東都爲神都神龍元年

復爲東都開元元年改洛州爲河南府天寶元年改東都曰

東京縣二十河南赤洛陽赤偃師畿鞏畿緱氏次陽城畿登

封畿陸渾畿伊闕畿新安畿澠池畿福昌畿長水畿永甯畿

壽安畿密畿河清畿潁陽畿伊陽畿王屋畿右都畿採訪使

治東都城內北京太原府隋太原郡武德元年改爲并州總

管領晉陽太原榆次太谷祈陽置壽陽孟樂平交城石艾文

水遼山平城烏河榆社十六縣三年廢總管四年又置總管

管并介受遼太榆沁七州其年改爲上總管五年又改代石

二總管其年改上總管爲大總管六年又改朔州總管七年

改爲大都督府貞觀八年以廢受州之壽陽孟樂平石艾又

割順州之燕然凡五縣來屬督并汾箕嵐四州龍朔二年進

六

大都督府天授元年置北都兼都督府開元十一年又置北

都改并州為太原府天寶元年改北都為北京縣十三太原

赤晉陽赤太谷畿祁畿文水畿榆次畿盂畿壽陽畿樂平畿

廣陽畿清源畿交城畿陽曲畿長安萬年河南洛陽太原晉

陽六縣謂之京縣令各一人正五品上丞二人從七品主簿二人從八品

上錄事二人從九品下佐二人史四人尉六人從八品下司功佐三人

司倉佐四人司戶佐五司兵佐三司法佐五司士佐四典獄

十四人問事八人白直十八人博士助教各一人學生五十

人京兆河南太原所管諸縣謂之畿縣令各一人正六品下丞一

人從八品下主簿一人正九品下尉一人正九品下錄事二人史司功

司倉佐四人司戶佐四司法佐四典獄十四人問事四

史七人

人白直十京令一

佐一史一帥二

經博士助教各一人學生四十人

宋京畿路皇祐五年以京東之曹州京西之陳許鄭滑州爲

輔郡隸畿內并開封府合四十二縣置京畿路轉運使及提

點刑獄總之至和二年罷京畿路轉運使提點刑獄其曹陳

許鄭滑各隸本路爲輔郡如故崇甯四年京畿路復置轉運

使及提點刑獄先是改開封府界爲京畿路是年又於京畿

四面置四輔郡潁昌府爲南輔鄭州爲西輔澶州爲北輔建

拱州於開封襄邑縣爲東輔並屬京畿大觀四年罷四輔政

和四年復東南西北輔宣和二年又罷之舊開封府界仍爲

京畿統縣十六開封

赤

祥符

赤東魏浚儀縣

大

尉氏

畿

陳畱

畿

畿雍邱

畿

封邱

畿

中牟

畿

王城爲青陽城

改

陽武

畿

延津

畿

縣政和長垣隋匡城縣建隆元年改爲鶴邱後又改東明乾德元年置鎮扶溝

陽陵考城大觀四年與太康同隸拱州二縣復來隸太康年復隸拱

州六年仍咸平咸平五年置縣京畿咸平五年置縣京東路府一濟南州七青

密沂登萊維淄軍一淮陽縣三十八青州望北海郡鎮海郡

節度慶歷三年初置京東東路安撫使密州上本防禦州建

隆元年爲防禦開府五年升安化軍後降防禦六年復爲節

度濟南府上濟南郡興德軍節度本濟州先屬京東路政和

六年升爲府沂州上琅邪郡防禦登州上東牟郡防禦萊州中東萊郡防禦濰州上

團練建隆三年以青州北海縣爲北海軍乾德二年升昌邑

縣爲州又增昌樂縣淄州上淄川郡軍事淮陽軍同下州太平興國

七年以徐州下邳縣建爲軍并以宿遷來屬西路府四應天

襲慶興仁東平州五徐濟單濮拱軍一廣濟縣四十三應天府河南郡歸德軍節度本唐宋州至道中爲京東路景德三年升爲應天府大中祥符七年建爲南京熙甯五年分屬西路襲慶府魯郡泰甯軍節度本兗州大中祥符元年升爲大都督政和八年升爲府徐州大都督彭城郡武甯軍節度本屬京東路元豐元年割屬京東西路興仁府輔濟陰郡彰信軍節度本曹州建中靖國元年改賜軍額曰興仁崇甯元年升曹州爲興仁府復還舊節大觀二年以拱州爲東輔升督府政和元年罷督府復爲輔郡東平府東平郡天平軍節度本鄆州慶曆三年初置京東西路安撫使大觀九年升大都督府政和四年移安撫使於應天府宣和九年改爲東平府

濟州

上濟陽郡防禦單州上陽郡建隆元年升爲團練

濮州

上濮陽郡團練

拱州保慶軍

節度本開封府襄邑縣崇甯四年建爲州賜軍額爲東輔大觀四年廢拱州復爲襄邑縣還隸開封政和四年復爲輔郡宣和二年罷仍隸京東西路廣濟軍乾德元年置發運務開寶九年改轉運司太平興國二年建爲軍四年割曹澶濮濟四州地復置縣隸焉熙甯四年廢軍元祐元年復爲軍京西路舊分南北兩路後併爲一熙甯五年復分南北南路府一襄陽州七鄧隨金房均郢唐軍一光化縣三十一襄陽府望襄陽郡山南東道節度本襄州宣和元年升爲府鄧州望南陽郡武勝軍節度舊爲上郡政和二年升爲望郡隨州上漢東郡崇信軍節度乾德五年升爲崇義軍節度太平興國元

年改今名金州上安康郡乾德五年改昭化軍節度房州下
房陵郡保康軍節度雍熙三年并爲軍均州上武當郡武當
軍節度本防禦乾德六年移入上州防禦宣和元年賜軍額
郢上富水郡防禦唐州上淮安郡建隆元年升爲團練光化軍同下

州乾德二年以襄州陰城鎮建爲軍熙甯五年廢軍改乾德
爲光化縣元祐初復爲軍北路府四河南潁昌淮南甯順昌州
五鄭滑孟蔡汝軍一信陽縣六十三河南府洛陽郡因梁晉
之舊爲西京熙甯五年分隸京西北路潁昌府次府許昌郡
忠武軍節度本許州元豐三年升爲府崇甯四年爲南輔隸
京畿大觀四年罷輔郡政和四年復爲輔郡宣和三年復罷
輔郡鄭州輔滎陽郡奉甯軍節度熙甯五年廢州以管城新

隸開封府省滎陽滎澤縣爲鎮入管城原武縣爲鎮入陽武

元豐八年復州元祐元年還舊節崇甯四年建爲西輔大觀

四年罷輔郡政和四年又復宣和二年又罷滑州輔靈河郡

太平興國初改武成軍節度熙甯五年廢州元祐元年還舊

節度孟州

望河陽三城節度政和二年改濟源郡

蔡州

緊汝南郡淮康軍節度

淮甯府輔

淮陽郡鎮安軍節度本陳州政和二年改輔爲上宣和元年

升爲府順昌府上汝陰郡舊防禦後爲團練開寶六年復爲

防禦元豐二年升順昌軍節度政和六年改爲府汝州輔臨

汝郡陸海軍節度本防禦州政和四年賜軍額信陽軍同下

州開寶九年降爲義陽太平興國元年改信陽軍

遼五京列峙包括燕代悉爲畿甸冠以節度承以觀察防禦

團練等使分以刺史縣令大略採用唐制其間宗室外戚大臣之家築城賜額謂之頭下州軍唯節度使朝廷命之後皆歸王府不能州者謂之軍不能縣者謂之城不能城者謂之堡其設官則未詳云

金上京路府一領節鎮四防禦一縣六鎮一會甯府下初爲州太宗以建都升爲府天眷元年置上京畱守帶本府尹兼

本路兵馬都總管後置上京曷懶等路提刑司按察司本提

年以上京東京等提刑司並爲一提刑使兼宣撫使勸農採訪事爲官稱副使判官以兼宣撫副使判官爲名復改宣撫爲安撫各設安撫判官一提刑一通四員肇州下防禦使舊出河店也天會八年

以太祖兵勝遼遂建爲州天眷元年置防禦使隸會甯府承安三年以太祖神武隆興之地陞爲節鎮軍名武興五年置

漕運司以提舉兼州事後廢軍貞祐二年復爲武興軍節鎮
置招討司以使兼州事利涉軍節度使古扶餘之地遼太祖
時有黃龍見名黃龍府天眷三年改濟州以太祖來攻城時
大軍徑涉不假舟楫置利涉軍天德二年置上京路都轉運
司四年改濟州路轉運司大定二十九年嫌與山東路濟州
同更今名貞祐初陞爲隆安府泰和八年十一月省議以轉
運司權輕州縣不畏不能規
措錢穀遂詔中都都轉運依舊專管錢穀事餘諸路按察使
兼轉運使副使兼同知簽按察兼轉運副添按察判官一員
爲六品中都西京路按察司官止兼西京路轉運司事遼東
路惟上京按察安撫使及簽事依舊署本司事遼東轉運使
兼按察副使同知轉運使兼簽按察司事轉東京路府一領
運副使兼按察判官添知事一員知法二員
節鎮一刺郡四縣十七鎮五遼陽府中東京畱守司本渤海
遼陽故城郡名東平天顯三年陞爲南京府曰遼陽十三年

更爲東都太宗天會十年改南京路平州軍帥司爲東南路
都統司之時嘗治於此以鎮高麗後置兵馬都部署司天德
二年改本路都總管府後更置畱守司諸京畱守司畱守一員正三品帶本府尹
兼本路兵馬都總管同畱守事一員正四品帶同知本府尹
兼本路兵馬都總管副畱守一員從四品帶本府少尹兼本
路兵馬副都總管畱守判官一員北京路府四領節鎮七刺
從五品都總管判官一員從五品
郡三縣四十二鎮七寨一堡五十六大定府中北京畱守司
遼統和二十五年建爲中京國初因之海陵貞元元年更爲
北京置畱守司都轉運司警巡院諸京警巡院使一員正六品掌平理獄訟警察別部
總判院事副一員從七品掌警巡之事判官二員正九品掌
檢稽失簽判院事司吏女直中都各三人上東西三京各二
人餘各一人漢人中都十五人南京九人西京八人東
京六人北京五人上京四人惟東西北上京無副使臨潢
府下總管府遼爲上京國初因之天眷元年改爲北京天德

二年改北京爲臨潢府路以北京路都轉運司爲臨潢府路
轉運司天德三年罷貞元元年以大定府爲北京後但置北
京臨潢路提刑司西京路府二領節鎮七刺郡八縣四十鎮
九大同府中西京畱守司晉雲州大同軍節度遼重熙十三
年升爲西京府金因之皇統元年以燕京路隸尙書省西京
及山後諸部族隸元帥府舊置兵馬都部署司天德二年改
置本路都總管府諸總管府謂府尹兼領者都總管一員正
三品掌統諸城隍兵馬甲仗總判府事同
知都總管一員從
四品掌通判府事後更置畱守司置轉運司及中都西京路
提刑司中都路府一領節鎮三刺郡九縣四十鎮七大興
府上晉幽州遼會同元年陞爲南京府曰幽都仍號盧龍軍
開泰元年更爲永安析津府天會七年析河北爲東西路時

屬河北東路貞元元年更今名

大興府尹一員正三品掌宣風導俗肅清所部總判府事

兼領本路兵馬都總管府事車駕巡幸則置畱守同知少尹

判官惟畱判不別置以總判兼知同知一員從四品掌通判

府事少尹一員從五品掌紀綱總府眾務分判兵案之事府

判一員從五品掌議參佐糾正非違紀綱眾務分判吏部

工案事推官二員從六品掌同府判分判戶刑案事內戶推

掌通檢推排簿籍舊一員大定五年增一員知事正八品掌

付事勾籍省置文牘總錄諸案之事都孔目官女直鎮一廣

司一員漢人司一員職同知事掌監印監受案牘

陽縣十大興宛平安次潮陰永清寶坻香河昌平武清良鄉

通州下刺史天德三年陞潞縣置以三薊州中刺史遼易州

河隸焉興定二年五月陞為防禦薊州置上武軍

高陽軍涿州中刺史遼順州下刺史遼平州中興平軍節

度使遼為遼興軍天輔七年以平州為南京以錢帛司為三

司天會四年復為平州嘗置軍帥司天會十年徙軍帥司治

遼陽府後置轉運司貞元年以轉運司併隸中都路貞祐二

年

年置東面經略司尋罷灤州

中刺史遼爲永安軍雄州中

年置永定軍節度

霸州

下刺史遼益津郡隸河保州中順天

使賜名易陽郡

七年置順天

安州下刺史宋順安軍治高

軍節度使海陵賜名清苑郡

遂州

下刺史宋廣信軍天會七年安肅

後置高陽軍大定二

州

下刺史宋安肅軍天會七年安肅

元大都路都總管府正三品達魯噶齊二員都總管一員副

達魯噶齊二員同知治中判官推官經歷知事各二員提控

案牘四照磨兼管勾一令史九十五譯史二回回令史一通

事知印各二奏差二十一國初爲燕京路總管大興府中統

五年稱中都路至元九年改號大都二十一年專置大都路

總管府從三品置都達魯噶齊都總管等官二十七年陞爲

都總管正三品領院二

左警巡院
右警巡院

縣六

大興宛平良鄉
永清寶坻昌平州十

涿州霸州通州薊州涿州順州
檀州東安州固安州龍慶州

大都路兵馬都指揮使司凡

二正四品掌京城盜賊姦偽鞠捕之事都指揮使二副指揮

使五知事一提控案牘一吏十四至元九年改千戶所爲兵

馬司隸大都路而刑部尙書一員提調司事凡刑名則隸宗

正且爲宗正之屬二十九年置都指揮使等官其後因之一

置司北城一置司南城

左右警巡二院正六品達魯噶齊各
一使各一副使判官各一典史各三

司吏各二十五至元六年置領民事及供需視大都路大德
五年分置需院以副使判官典史各一主之大都警巡院品

職分置如左右院達魯噶齊一使一副使二判官二典史二
司吏二十大德九年置以治都城之南大都路提舉學校所

正六品提舉一教授二學正二學錄一至元二十四年既立
國學以故孔子廟爲京學提舉學事者仍以國子祭酒繫銜

宛平縣正六品達魯噶齊一尹一丞三主簿三尉一典史三

司吏十五治大都麗正門西大興縣正六品達嚕噶齊一尹
一丞一主簿二尉一典史三司吏十五治大都麗正門東東
關廂巡檢司從九品巡檢三司吏一掌巡捕盜賊奸宄之事
西北南關廂兩巡檢司上都畱守司兼本路都總管府職掌
如大都畱守司兼治民事車駕還大都則領上都諸倉庫事
畱守六員正二品同知二正三品副畱守二正四品判官二
正五品經歷二都事四照磨兼管勾一令史四十四譯史六
回回令史三通事知印各二宣使十二國初置開平府中統
四年改上都路總管府至元三年給畱守司印十九年併爲
上都畱守司兼本路都總管府警巡院一縣一開平府一府
三縣宣德宣平順聖二州保安州蔚州州四興州松州桓州雲州兵馬司正四品指

揮使三副指揮使二知事一提控案牘一司吏八至元二十年置警巡院正六品達嚕噶齊一警巡使一副使二判官二司吏八開平縣正六品達嚕噶齊一尹一丞一主簿一尉一典使一司吏八

明北直隸順天府

元大都路直隸中書省

洪武元年改爲北平府三年

四月建燕王府永樂元年升爲北京改府爲順天府領州五縣二十二大興宛平良鄉固安永清東安香河通州洪武初以州治潞縣省入西距府四十里領縣四三河武清漷縣寶坻霸州洪武初以州治益津縣省入北距府二百十里領縣三文安大城保定涿州洪武初以州治范縣省入東北距府百四十里領縣一房山昌平州正德元年升爲州旋罷八年

復升為州南距府九十里領縣三順義懷柔密雲薊州洪武

初以州治漁陽縣省入西距府二百里領縣四玉田豐潤遵

化平谷保定府洪武元年為府二年來屬領州三河間府武

元年為府二年來屬領州二真定府洪武元年為府二年來

北距京師六順德府洪武元年為府領縣廣平府洪武元年

九東北距大名府洪武元年為府領州一縣十永平府洪武

為平澤府四年為永平府領州延慶州洪武初屬永平府永

屬北京行部十八年直隸京師隆慶元年改保安州永樂二

日延慶州領縣一東南距京師百八十里順天府尹一人

正三府丞一人正四治中一品正五通判六後正六品嘉靖推官

一從六品儒學教授一從九品訓導一其屬經歷司經歷從七品知

事一品從八照磨所照磨品從九檢校一所轄宛平大興二縣各

知縣一人品正六縣丞二人品正七主簿無定員品正八典史司獄

司司獄品從九都稅司大使品從九副使一宣課司凡四正陽門外正陽門張

家灣蘆溝橋稅課司凡二安定門外安定門各大使一品從九稅課分司凡二崇文

門德勝門各副使一遞軍所批驗所各大使一府尹掌京府之政

令宣化和人勸農問俗均貢賦節征徭謹祭祀閱實戶口糾

治豪強隱恤窮困疏理獄訟務知百姓之疾苦歲立春迎春

進春祭先農之神月朔望早朝奏老人坊廂聽宣諭孟春孟

冬率其僚屬行鄉飲酒禮凡勳戚家人文引每三月一奏市

易平其物價遇內官監徵派物料雖有印信揭帖必補牘面

奉若天子耕藉行三推禮則奉青箱播種於後禮畢率庶人

終畝府丞貳京府兼領學校治中參理府事以府尹丞通判
分理糧儲馬政軍匠薪炭河渠堤涂之事推官理刑名察屬
吏二縣職掌如外縣以近洩輦下故品秩特優總督薊遼保
定等處軍務兼理糧餉一員嘉靖二十九年置先是薊遼有
警間遣重臣巡視或稱提督至是以邊患溢甚始置總督開
府密雲轄順天保定遼東三巡撫兼理糧餉萬歷九年加兼
巡撫順天等處十一年復舊天啟元年置遼東經略經略之名起於
萬歷二十年朱應昌暨後楊鎬至天啟元年崇禎四年併入
又以內閣孫承宗督師經略山海關稱樞輔總督十一年又增設總督於保定巡撫順天等府地方兼整
飭薊州等處邊備一員成化二年專設督御史贊理軍務巡
撫順天永平二府尋兼撫河間真定保定凡五府七年兼理

入府八年以畿輔地廣從居庸關中分設二巡撫其東爲巡

撫順天永平二府駐遵化崇禎二年又於永平分設巡撫兼

提督山海軍務其舊者止轄順天

巡撫保定等府提督紫荆

二年分居庸關以西另設巡撫保定真定河間順德大名廣平六府提督紫荆倒馬龍泉等關駐真定萬歷七年兼管河道

南京應天府洪武元年八月建都曰南京十一年曰京師

永樂元年仍曰南京領縣八

上元江甯句容溧陽溧水高淳江浦六合

應天府府

尹一人府丞一人治中一通判二推官一經歷知事照磨檢

校各一儒學教授一訓導六所轄上元江甯二縣各知縣一

人縣丞二主簿二典史司獄織染局大使左右副使各一都

稅司宣課司

凡四龍江江東聚寶門太平門

稅課司

凡二龍江龍潭

各大使一副使

或一或二龍江遞運所大使副使各一批驗所大使河泊所

官一龍江關石灰山關各大使一副使四洪武三年改應天府知府爲府尹正三品賜銀印十三年立儒學洪武二年詔以臨濠爲中都置畱守衛指揮使司隸鳳陽行都督府十四年置中都畱守司統鳳陽等八衛鳳陽衛鳳陽中衛鳳陽右衛懷遠衛防護皇陵設畱守一人左右副畱守各一屬官經歷嘉靖十八年改荊州左衛爲顯陵衛置興都畱守司統顯陵承天二衛防護顯陵設官如中都焉

論曰漢劉敬說高帝都關中因言河南白羊樓煩王去長安近者七百里輕騎一日一夜可至秦中宜徙天下豪宗大戶內實關中北備胡東制諸侯爲强本弱末之計高帝聽用其言終西漢之世二百二十餘年未嘗有

蒙塵移蹕之禍唐興天下府兵八百餘所而在關中者
五百舉天下之眾僅當關中之半宜乎人莫敢校然祿
山一呼河朔瓦解兩都連陷明皇西幸及于代宗德宗
回紇吐蕃相繼犯闕唐幾不保其宗社原二代之初制
所以深根固本者情事略同而其後成敗異勢何也蓋
嘗論之高帝雖結和親之約然孝惠高后時匈奴倍叛
數盜北邊至文帝中年慨然發憤從六郡良家才力之
士講習戰陣聚天下精兵臨于廣武感馮唐之言思得
古將帥爲已用武帝因之崇任衛霍攘除萬里幕南之
庭寂無虜迹昭宣以後傑俊蜂起趙充國辛武賢陳湯
甘延壽傅介子之徒破氏羌斬郅支禽樓蘭威讐遐裔

號曰強漢此百數十年間君以英武奮其討伐臣以果
毅作其士氣故鋒鏃所加莫之敢撓非特腹心右壤藉
豪宗爲扞蔽而已唐之初起高祖臣事突厥貽笑後世
太宗末年困于高麗之役師出無功及天寶以還府兵
萃于范陽京師內空悍酋外叛郭子儀借回紇之眾收
復兩京畱其種類雜居汧渭久而遂成養癰之患貞元
初載宦寺以宮市牟利計臣以間架賈怨是以朱泚之
亂人心離攜莫肯用命王室多戾厥有自來故夫河山
之險天府之雄非有改于秦漢之舊也而四世播遷顛
覆狼狽喪其國祚豈非君荒于上臣虐于下之咎與而
蘇子由徒歸過于府兵之廢壞抑其末矣且夫天下之

禍常出于意料之外漢之威伸于朔虜而主莽以外戚
小侯篡奪其宗唐之力疲于四夷而朱溫以盜賊匹夫
閹干其位雖曰天命不可測抑有人事存焉且自古京
師之地人庶浩穰貨利輻湊四方遊手不軌之民率羣
聚而伺焉當西漢盛時京輔守令必慎擇其人而用之
史稱前有趙張後有三王小民歌思累世不衰至胡建
以渭城令追射公主從奴何並以平陵令捕治太后外
家史臣偉其節人主嘉其功其他清廉刻苦峻法奉公
任正道以行而不避豪貴之勢者又比比而有矣降逮
東都董宣爲洛陽令號稱強項陽球李膺官司隸校尉
搏擊凶奄不遺餘力自唐以來爲京牧畿令者罕見其

比後唐莊宗之代張全義爲河南尹以強直忌洛陽令
卒讒而殺之雖郭崇韜爭之而不能得宋之開封明之
順天名能任其職者不過清獄訟謝請託求其誅鋤桀
猾摘奸弊如神明若漢趙張三王之類者予未睹其人
也唐雖有京畿採訪之使明雖有兵馬指揮之司然藉
權鬻利巧弊叢生且其所委任者多科舉鄙儒文墨俗
吏仁而無術懦而不斷是以奸民靡所顧忌白晝剽攘
橫行都市官司熟睨莫敢誰何天下之人見夫輦轂之
下王綱之不肅如此尙復何所畏憚哉且奸民者大盜
之先資夷狄之囊橐也天下一有小警叫呼扳援攘臂
羣鬩乘輿之前殞發不測充其所至殆不忍言嗟乎三

代世祿采邑之制後世既不可行矣然如漢之選重守
令俾畿甸千里之間聞風震慄奸盜小民相顧逡巡而
莫敢動不亦救時之藥石乎